

+H
 corpus: ReF.RUB
 language-area: hessisch
 language-region: westmitteldeutsch
 language-type: mitteldeutsch
 genre: T
 medium: Handschrift
 time: 16,1
 reference: Hs.: Blatt (r/v), Kolumne (a/b), Zeile
 corpus-sigle: F210, IV-Cc-T3, H
 text: Das Alsfelder Passionsspiel
 text-author: -
 text-type: EB
 assignment_quality: Z1
 hoffmann_wetter_nr: 1047
 library: Kassel, Universitätsbibl.
 library-shelfmark: LMB, 2° Ms. poet. et roman. 18
 date: 1501-1517
 place: -
 text-place: -
 printer: -
 edition: Das Drama des Mittelalters. Zweiter Teil. Passionsspiele. Hrsg. von R. Froning., in: Deutsche National-Litteratur. Historische kritische Ausgabe. Hrsg. Joseph Kürschner. 14. Band. Stuttgart 1861. (PDF ab Seite 567)
 size: -
 language: fnhd
 literature: -
 notes-transcription: ab 33v, Vers 2930 keine Editions-zählung mehr, da die Edition dort endet; Überschriften (ab 32r nicht mehr) sind rot unterstrichen. Nachfolgende Zeilen, die auch rot unterstrichen sind, sind kommentiert; der 1. Buchstabe einer Zeile ist immer rubr. (ab 32r nicht mehr); \&1 = Suspensionskürzung mit verschiedenen Auflösungsmöglichkeiten, meistens {es} oder {en}; \&2 = Kontraktionskürzel in Form einer übergeschriebenen Schleife; \&3 = Nasalkürzel auf Höhe des Mittelbandes in Form eines nach links offenen, um 90 Grad gekippten {m}; Vorkommen von {i} und {i}; rubr. Punkte und Virgeln, in den Überschriften sind manche Buchstaben in der Zeile rubr.; %9 = ablautend 9, wie %9 transkribiert; prüfen: {%9 vor 27v), Lateinpassagen: {dli}s eig. {d/lis}, Satzmajuskeln, sonst. Kodierungen
 abbr_ddd: AlsPass
 extent: FnhdC: -; compl: 001r,01 - 037v,34
 extent-size: FnhdC: -; compl: 18.868
 @H

F210-001r,01 Primo igitur omibus personis ordinate in suis locis 9stitut{1} angeli canunt silete procla ma-
 tor Jn medio ludi dicit Nu horet alle vnd vornemet mich Er sijhet alt Jungen arm adder rich alle die hie vorsampt synt
 vornemet wol die redde mynen Szo wie ich dick hon geleszenen Das numer mentsch magk geneszenen Des ewigen todes
 vnd helscher pynen He bedencke dan yn dem hertze synen Das groiß lyden vnd den bittern toid Vnd alle die manchfeldige
 noitt Die vnser Her gelidden hott Vor vnszer alle missetadt Synt en das nu nit hot vordvossen Hie hot darvmb syn
 blut vorgossen al an dem fronen crucze here Szo soln mer eß em danckenen sere wan hie es ted durch vnszer willenen
 Das hie damidde mochte gestillenen Synes hymelsches vatters grosszes zornen Mer weren anders alle vorlornen also
 noch hude vff disser erden alle die vorlornen sollen werdenen Vnd nach disser zyt zu dem tufeln farnen Dye sich nicht
 von sunden bewarnen Vnd also sie vorgossen goddes Das sie nicht achten synes geboddes Vnd alzyt von em wanckenen
 Die em synes lydes nit en danckenen Das hie szo williglichen leyt al vor die arm mentscheyt Die grossze vbel hatte
 begangenen Dovor gab hie sich gefangenen Vnszer her ih-u crist Der szo ser gepynniget ist Vmbdas mer gesundiget hon
 Das sollen mer en genissen lon Vnd dancken eß em myt grosszen flyß Das hie vns hyrnach nyt vorwyß Wan mer komen
 vor gerichte Konden mer das bewarn mit ichte Das mer dan mochten fynden gnade Ja wer da folgette mym rade als ich
 dovor vormanet honen Den magk es dan alle wol herganen Vnd dorzu gud{1} vele gescheenen Darvmb sollet ir nu an
 sehenen Myt Junckeyt das schone spyell Das man hie begynnen well Vonen dem lydenen vnsers Herrenen Dorzu sollet er
 vwer hercze kerenen Jr man vnd auch er frawenen Mit andacht sollet er disz schawenen Vnd in alle vwer tagenen Jhun
 syn crucze helffen tragen Mit wiczen vnd synnen Nu woln mer begynnenen Disszes spieles vnd heben an Von dem
 teufer sancte Johan Wye der perdiget eyn buszvertigk lebenen Darnach sollet er mercken ebenen Wie en herodes toden
 lysz Darvmb das he en losszen hysz Die sunde die hie hatte gethaynen Darnoch wirt man an fohenen wie vnszer her

Jhenus crist Noch Johanni komen ist Vnd synes perdigens beganen also vor gesprochenen hatte Johanen Vnd was hie anders wonders thet Das mercket wol wan er es seth Szo man es vbet yn dem spyl Zu sagen wirt es zu viel Des wel ich die redde beslysszenen Das vch do numer darffe vordrisszenen Des losszen mer die redde nu bliben Got gebe das mer das spiel szo triben Das mer got damidde erenen Vnd alle sunder vnd sunderyn sich bekerenen Die dissze horen vnd sehenen Das dicz also gescheen Das helffe vns der meyde son Der do besiczet des hymels thronen Vnszer herre Jhenu crist Der vor vns gestorben ist DeJnde regens dicit rigmun Nu swiget lieben lude vnd lat vch betudenen Wie dit spiel sal vor sich gehenen Darvmb mer bidden vch vnd flehen Das er alle swiget stille Dorch vnser liebenen frawen wyllen Mer woln hude spielen von der martel Jhenu crist Der aller wernt eyn erloszer ist Darvmb solt er alle Jnnigk synen Vnd eben bedencken die groissze pynen Die Jhens al an dem cruz gelidden hot Vmb vnszer sunde vnd missetad Want alle vnser heyl daran lyt Nu vnd vmer zu ewiger zyt Nu stehet stille vnd swiget schone Das vch got von hymeln lone Want wer hie zu siet mit ynnikeyt Dem wirt das hymelrich bereyt Des woln mer singen mit frolichem schall Vnd bidden den heiligen geist all Das hie vns syn genade vorlyhe Vnd alzyt vns wesze bye Et sic regens . Incipit canere . Veni sancte Spenus . post hoc proclama F210-001r,02 tor dicit rigmun Jr liebenen mentschen alle Swiget nu vnd lat vwer kallen Jch wyl vch vorkundigenen eyn gebott Das der her schultheys thut Wer da betreden wirt Jn dissem kreyß Er sy heyntz adder concz adder wie er heyß Der do nit gehoret Jn dit spiel vorwar ich vch das sagenen wel Der muß syn busze groiplich entphan Mit den tufeln muß er yn die helle gan Vngefug sal nymant hie tribenen Wel hie anders yn der herren holde blibenen Hyrvmb szo swiget vnd horet vnszer redde Vnd stehet stille des weln mer vch gutlich bidd{1} Vnd swiget auch darzu Szo moget er das spiel deßdu baß vornemen nu Her schultheys macht ir den slagk Do sich eyn iglicher nach richten magk Nu wyt gnung wol vmb Die wyde vnd auch die krume Die lenge vnd auch die ferre Vns sal nymants Jrren Mer woln vngedrungen syn Jr hot wol gehoret der herren pynen Die der schultheys hot gethon Darvmb rumet vnß dissen planen Hoc facto lucifer ascendit doleun / Et dicit / Woil her woil her vß der hellenen Sathanas vnd alle dyne gesellenen Kommet zu mer er helle roddenen Das vch die ridde muß schiddenen Vnd losszet mich nit alleyn stan Willet er anders den lon von mer honen Et tunc omes dyaboli circueunt doleun corisando 7 cantando Lucifer in dem throne ryngelyn ryß Der was eyn engel schone ryngelyn ryß post hoc lucifer dicit Eya wilch eyn gut gesangk ach vnd ach were hie langk wie schyer sollet er mer men syngen Das ich vff disser bodden moge gespringenen Et dicit sine Intermedio Owe vnd owe hoffart vnd obermut Nu erwirbes tu doch numer gut ach nu byn ich vorlorenen Want ich hat die hoffart vsz erkorenen Jch thun vch allen kunt Jn truwenen Das vch numer magk beruwenen Hyevor was ich eyn engel clar Nu byn ich vorstoissenen gar Geheyszen was ich lucifer Jch was in dem obersten thron eyn lichttreiger Des erhub ich mich also sere Jch wol myn stull seczen vber myn scheppere vnd wol mich em glichenen Jn den frouen hymelrich Darvß wart ich vorstoissen Myt allen mynen genoissenen Viel tieff in der helle grunt Darvmb werde ich numer gesunt Kottelrey diabolus dicit O lucifer here Bist u nu worden eyn perdigere Das stehet zu monchen vnd phaffen Jch wel dich nu glichen eyn affenen Want dyn perdigen vns schaden thut Darvmb salt u lygen jn der helle glut Et sic percuciant luciferun / Et lucifer di{1} Neyn neyn ich liegenen Jch wolde vch also betriegenen Er sollet disses nicht gleuben mere Jch werde widder als ee Viel schoner dan die sonne Vnd luchte als eyn raestrige phanne Et subiungit Sine medio Nu radet lieben frunde vnd knecht Das thut er als wol mit recht Wie mer dit dingk griffen an Das vns der zeuberer Jhenus nit entga Want hie ist also gar swynde Myt synen listigen fynden Begriffet er en szo haldet en fest Szo wel ich vch entphaen als liebe gest Sathanas dicit O edele herre lucifer Jch han volnbracht dyn beger Jch byn gewest in der Judden schar Jch han sie alle vorsencket gar Sie hon gesworn Jhem brengem vmb syn lebenen Das sal der gefallen gar ebenen Jch wel darvff dencken froe vnd spade Das mer en brengen zu dem tode Jch wyl kommen yn synen Jungern Judas Das der vs zerwelt was Den wel ich darzu bringen gar trode Das hie synen meynster sail vorradddenen Vnd sal den Judden syn blut vorkeuffenen Darvmb mocht hie woil schryen woffenen Dar vmb salt u mer lonen in der helle Vor anders allen mynen gesellenen Lucifer dicit Danck habe sathanas myn lieber knecht zu vnsen dingen bist u gerecht Dar vmb wel ich der lonen schyer Mit der helschen kronen fuer Du salt Jo der beste synen Sathanas du lieber knecht mynen Vor anders allen dynen gesellen Beuellen ich der die porten der hellenen Bone dicit O lucifer du werest eyn morgenstern vor Nu luchs tu als eyn swarcz kesser gar Jch wel kommen in der Judden gedinge Das sie ihem keuffen vmb dryssigk peninge Das magk der wol lieb synener Want hie hot dich vorstoissen myt allen dynen genosszenen Lucifer respondit So myn lieber knecht bone Du dienest mer also schone Darvmb wel ich dir geben zu lone Was mer entfellet nach der none Milach dicit O du edeler her lucifernen auch wel ich der dienen gern Jch wel faren Jn annas vnd caiphas Vnd wel si besiczen als myn eygen vaß Vnd wel en das wol radden Wie sie ihem bringen zu dem tode Hyrvmb wel ich keyn ruwe gewynen Jch bringe en dan zu der groissze pynen Darvmb salt u mer lonen Jch wel ihem mit nichte schonenen Lucifer respondit Habe danck milach myn lieber knecht Sich dym dinge thust u sere recht Darvmb salt u der beste synen Vnder allen den gesellen dynen Vnd wel der geben zu lon Jn der helle eyn furige kron Natyr dicit O lucifer du werest der schonen sonnen glancz Jch wyl mich machen an der Judden dancz Jch wel besiczen sinagogen den alten Judden Vnd solde en die ritte schiddenen Vnd wel das thun froe vnd spade Vffdas hie ihem bringe zu dem tode Want hie ist gar eyn wyszer phaffe Vß der Juddischen ee kan hie viel klaffenen Darvmb geberet der das nu Das du mer salt lonen darzu Lucifer dicit Eya du lieber knecht natyr Jch wel der geben das lon gar schyer Vnd wel dir des vmer sagen danck Vnd dir beuellen der helle banck Vor anders alle dynen gesellen Want du bist gar wert yn den hellen Rosenkrancz dicit O lucifer du werest eyn clar engel zart Jch wel mich auch machen vff die fart Do ich ihem den trogenere Moge mit der martel beswerenen Vnd pilatun den richter besiczenen Darvff wel ich

dencken myt syn vnd wiczen Das hie sal eyn falsch ortel vber ihm geben Das em muß gehen an synen lebenen Want er en thut mer nit zu synen sachen Szo wirt eß sich korczlich machenen Das hie komet vor der helle thore Vnd kloppet do also geweldiglichen vor Lesses tu en dan nicht en Szo byndet hie dich in die hellepynen Darvmb salt u mer lonen snel Vor anders allen mynen gesellenen Luciper dicit Szo myn lieber knecht roszenkrancz Du weyst den alden reyen gancz Darvmb wel ich dich fugenen Jn die helle zu den grossen kriegenen Darvß salt u den alden Judden schengken Myt swebel vnd bech salt u Sie drengken Raffenzanen dicit Her lucifer du hoist groissze ere Der du doch woil entbere Du bist eyn tufel clar vnd fynen Du must ewiglichen yn der helle synen Jch wel der sagen zu disser frist Wie myn name geheysen ist Das du mer destu baß mogest gelonenen Jn den ewigen hellen trone Vmbdas ich szo viel schande han gebruet Vnd damidde dyn freyde han ernuwet Jch byn s geheysen raffenzan alle boszheyt heben ich gern an Myn hercz ist falscher list vol Das hon ich bewyszet an den Judden wol Den hon ich geradden alzyt Das sie solden tragen haß vnd nyt Vff ihm den fromen mentschen Darvff was alle myn gedencenen Jch hon auch gestiftet vnder en Das sie en nit woln horen adder sehen Vnd vorsmehen en als eyn vntedigen man Vnd hie doch nie keyn sunde gewanen adder nie keyn vbbe yn sym herzen hot gedocht Her lucifer das hon ich als volnbracht Jch wel mich der erbeit vort vnderstan abe es moge nach mynen willen gegant Das sie en brechten zu dem tode Das wel ich en flyssiglichen raden Szo triben mer mit den Judden vnszer gewalt Vnd synt yn vnszern reyen gezalt Den woln mer mit en treden yn der hellen Mit allen tufelschen gesellenen Das sal weszen ir lone Das sie an ihenu vordienet hon Her lucifer nu gib mer orlaupp Szo wel ich alwege priszen dyn loib Luciper dicit Sathanas vnd dyn gesellen Jr sollet vch darzu stellen Vnd nyn dissen frunt raffenzan Der hebet alle schalkeyt an Jr sollet vch vmb thun yn alle lant Dorin wirt vch bekant alle vbel vnd sunde Vffdas mer die Judden kunden Brengen Jn vnszer schar Nu lauffet in erem lande alle here vnd dar Binckenbangk dicit Herre lucifer wol gemutt Dich hot gott vorstoissen yn die helle glut Myn nam ist dyr wol bekant Jch byn s binckenbangk gnant Viel han ich der gethayn zu loibe Darvmb salt u mich hirlich begabenen Jch han gefaren die wernt alle vmb Die wyde vnd auch die krumme Darin hon ich viel arges zu bracht Beyde tage vnd nacht Das wel ich alles losszen stan Vnd das nu eyn fromekeyt wisszen lan Eyn from mentsche ihenus gnant Dem wart nye keyn sunde bekant des hon die Judd{1} gefangen eyn haß Vmb syn gerechtikeyt geschach das Das hon ich geradden en allen Das las der lieber herre woil gefallenen Jch wel die sach vort tribenen abe sie an em wolden beclibenen Das sie en brechten vmb syn leben Das sal vns allen kommen gar eben Gefyellen sie vns vff derselben fart Mer wolden sie werffen Jn vnszern bart Vnd myt vnszern zenen zurissenen Das sie des solde sere vordrissenen Her Lucifer ich wel mich des vnderwynd{1} Vnd wel myt flyß dornach ringenen Lucifer reddit sibi grates Sathanas vnd dyn gesellenen Jr sollet vch darzu stellen Vnd myn Knecht binckenbangk an thun helle pyn an wangk Vmb solch groisse gut Darvff lange gestet myn mut Sic lucifer descendit de doleo proclamator dicit rigmun superius notatun stet Jr lieben mentschen Tunc Joh-es baptista exeat de deserto cun discipulis Et cantans Vox clamantis in deserto 7 dicit rigmun Nu horet alle arm vnd rich Joh-es der teuffer byn ich Von godde byn ich vsz gesant Das ich vch allen thun bekant abe er busze wilt entphan Vnd vort mere die sunde lon Szo wirt vch geoffent des hymels kore Der do was beslosszen vor alß durch die sunde manch tusent Jare Das sprechen ich sicher vorwar Sich neiget zu vns das hymelrich Dorzu al man bereyde sich Vnd nymandis lossze sich vorlangenen Want nach mer balde kommet gegangenen Der vor mer gewesszen ist Godes son de ware crist Dem sal ich den wegk bereydenen Das redder ich man vnd frawen beyden Das sie darzu syn bericht Das sie sich vorsymen nicht Die sich dan zu em keren Hee wirdet predigen vnd leren Den wirdet hie zu lone geben Jm hymelrich das ewige leben Darvmb ist hee gesant vff erden Von gode dem vatter also vns die werd{1} / propheten gesaget hayn Et sic digito demonstrando eun Jhenus surgit a loco suo vadit ad ioh-em / Joh-es cantat / Ecce agnus dei et 9plet rigmun dicit Sehet hie kommet der werde man Hie ist des edeln godes lam ! Das von dem hymel hernidder qwam Zu tilgen alle der weernde sunde Das anders nymandes me en konde Seth nu wan godes sone alleyn Den vns gebar die maget reyne Maria ist sie gnant Die mich nu wol vorstanden hand Die mogen sich bereyden Jch en wel nu nictes beyden Jch en wolle al vmb vnd vmb gain Suchen frawen vnd man Die in den sunden ligen Jch en wel den nicht vorschwigen Jch strauße sie vmb ere missetad Wie mer s auch hirnach ergaid Darvmb han ich keyn noid Solde ich darvmb sterben toid Hic ioh-es et ih-us sint in medio ludi Jhuns dicit rigmun Joh-es liebe nebe mynen Myn teuffer salt u hude synen Herfollen salt u myn begeer Darvmb byn ich kommen her Zu der gegangen Jn den Jordan Die tauff wel ich von der han Johannes respondit Jesu Eya meynster was begeres tu Jch byn s vnwirdigk darzu Das ich teuffen solle herre dich Du bilcher sollest teuffen mich Das ist woil eyn godis recht Du bist myn herre ich byn dyn knecht Jhesus respondit Johanni Neyn Johannes myn lieber mogk Teuffe mich yn dissem wogk Sich das kommet rechte woil an vns erfillet werden sail Liebe vnd auch gerechtikeyt Darzu soln mer al syn bereyd Chorus cantat / Baptista contremuit / Et Joh-es baptista aspergit aqueur super personan saluatoris Jhuns venit ad locun deputatun / Maiestas poet cantat Hic est filius meus dilectus / Et dicit rigmun / Sehet dicz ist myn zarter sone Des willen sollet er alle thoen Er sollet ein weszen vnderthan an em ich mich behagenen hoin Hie hot mich friddesam gemacht Was zornes ich hatte vff gelacht Sehet den hot hie gestillet gar{1} Des nemet syner lare ware Hoc finito Chorus cantat / anno hominis tricesimo 7 c / patris ec{1} / 7 c / vsqet te mi fili / 7 c / Jnterim Joh-es baptista vadit ad herodem cantando Non licet inqur te / 7 c / post hoc dicit rigmun // Herodes herre hore ich hon vornumen Szo wie du bist zu sunden kommen Vnd zu grosser obeltad Wissze das es der gar bubelich stad Das du hie host dynes brudder wyb Vnd lieb host eren sundigen lipp Bist u wysze szo volge mer Das snode wyb das tribe von der Sie vordymet der anders sele vnd lipp Et sic reurtitur ad mulieren dicit phie dich du boszes snodes wipp wilt u des keym schemde hayn Das du begibbest dynen manen Vnd ligest mit sym brudder

hye Desglichen hon ich vornumen nye Jch sagen vch beyde In disser stunde losset er beyde nicht die groissen unde
 Vnd busset sie gode von hymelrich Er musszet vmer vnd ewiglich alle in der finster helle synen Vnd liden ewiglichenen
 swere pynen Herodes dicit furioso aino Sage von wem komes tu her adder wer bist u das sage mer Das du szo eyschlich
 schuldest mich Das soldest hon baß besonnen dich Woldes tu nit grossen schaden dolden Szo soldes tu mich nit hoin
 geschuld{1} Want ich byn der herre von dem lande Johannes dicit / Desto grosser ist dyn schande Das du eynen andern
 regieren salt Vnd en host dyn selber keyn gewalt Das du vor vnrecht nicht huddest dich Des salt u wisszen sicherlich Das
 ich numer wel abe lain alsozo ich das leben hayn Jch wolle dyn bosheyt scheldenen Herodes statin subiungit / Des must
 u hart sere entgelden Jch wel der hertlich widerstayn Des magest u wol von hynnen gain Vnd kom auch nit widder
 zu mer Das wel ich sicher raiden der Kommes tu widder eß beruwet dich Das salt u fynden sicherlich Es wirt dich Jo
 kosten dyn lebenen Dan blibe vß es komet der ebenen Hoc dicto Chorus cantat arguebat herodem Joh-es / finito cantu /
 Joh-es recedit paulatim vertens se ad ppl-m hinc Jnde dicendo rigmun /// Muß ich dan ye gehen myne strayß Szo en wel
 ich doch nit losszen Die sunder wel ich scheldenen Die warheyt wel ich melden Wer nu habe wyszen mutt Der laiß die
 unde das ist gutt Von allem vbbel soln mer vnß scheyden Gott dem herren eyn wegk bereydenen Zu vnserm herzen
 myt togende viel wan ir sich balde erzeygen wel Vnszer herre ihun crist Der von dem hymel kommen ist Her zu vns vff
 disse erdenen Des sollen alle die erfrawet werdenen Die en entphan dan myt erenen Er leben nach sym gebode kerenen
 Hie wirt gar gudde gebodde geben vnd leren vns eyn buszende leben Das hymelrich wirt he vnß geloben Vnd alle
 syn frunde damidde begoibenen Die addir vormehen syn gebot Dem sagen ich sonder allen spott Das sie von demselben
 scholdenen Helsche pynen musszen doldenen Das radden ich allen luden glich Das yederman besynne sich Vnd lossz em
 dit nit syn eyn traum gedencet das vns lebes boem als zwiueliche stad Der toid em alles nach gaid Hie hot die axts in
 den hendenen wer weyß wan es nem eyn ende Das hie dem boem gebe den slagk Sich dan szo ist der leste dagk Das der
 benomen wirt das lebenen Dan szo wirdet gegeben ... Hic si placet mors lento pede vadit post joh-em / ... Eym iglichen
 noch synen wercken Lone darnach szo moget ir mercken Jr syt arm adder rich wan eß gillet vch allen glich Finito
 rigmo Joh-es sit in loco suo pero ita ordinetur et disponatur post hoc cantetur / Jnter natus mulierun / DeJnde Lucifer
 cun suis exeunt de Inferno cun horri bile clamore / Et dicit lucifer Hey alle woffen vnde mort Morde Jo ich han gehort
 alzu boszer nuwer mere Sathanas subiungit / Nu sage lucifer here Host u syn vnd wycze vorlorn adder warvmb host u szo
 groissen zorn Das du geberest szo fyntlich Du salt bas besynnen dich Vnd gedenc an die groissze gewalt Synt das keyn
 mentsche Jungk adder alt Nie keynes rades mocht erdencken Das hie konde der mit ichte entwencken Wan sie faren von
 disser erden Sie musszen der alle zu teyl werden Des gehabe dich wol zu aller frist Synt szo groß eyn herre bist adder sage
 vns balde dynen gebrechenen Den woln mer dir alle helffen rechenen Lucifer respondit / Ja sathan frunt du sagest war
 Szo ich viel tusent Jare Die wernt hon bezwungenen Die alden vnd auch die Jungenen Die armen vnd die richenen Der
 moechte mer keyner entwichen Nu komet eyner ich en weiß wo here Der saget gar wonderliche mere Hie gelaubet den
 luden das hymelrich En truwen das vordruszet mich Vnd ist mer sicher al zu zornen Sal ich myn erbet han vorlornen Die
 ich hatte yn hye vor zyt Die ich der frawen eua rielt Das sie den vorbodden appel aß Das thed ich vmb groissen haß Das
 sie vorlornen das hymelrich adam vnd eua auch alle glich Dye vmer von en mochten kommen Synt ich disse redde hon
 vornumen Das disser trost en wirt gegeben abe sie woln yn busze lebenen Szo soln sie zu hymeln farenen Sathan frunt
 das helff bewarenen // Disponatur palliun et pepulun / Mit allen dynen gesellen Szo hilff mer bestellenen Das der zu
 dem tode werde bracht Der solche thorheyt hot herdocht Das hye mynen herschaff wyl krencken Sathanas subiungit
 dicens / Eya lucifer ich wol dencken / Sonder hilff myner gesellenen Szo wel ich gar wol bestellenen Das hye balde gelige
 toid Darvmb habe du keyn noit Jch weiß eyn wipp vff myner wanen Die wel ich zu hilff hon Sie ist herodes herzen
 trud Die schalt hie kurzlich vberlud Darvmb szo ist sie em gehasz Sich wye wulde ich vmer basz Eme gewynen an syn
 lipp Dan durch dasselbe bosze wipp Sie sal mer disse sach slichten als ich sie wel des vnderrichten Jch wel mich zu
 er machenen Eyn gudden syn wel ich gerachenen Darvsz wel ich er radden Das es vns nicht sail schadenen Lucifer
 respondit / Synt du es dan Sathan wylt bestan Szo nyn vnd hencke den mantel an Vnd winge das duch vmb dyn heubt
 Die frawe der destu basz gleubet Et porrigit sibi palliun cun pepulo Et sathans recipit 7 induit dicens Herre her szo ziege
 ich an die wat laß sehen wie woln sie mer dan stad FFedderwisch trahens ipem cuz veste d-ns Sehet alle lieben gesellen zu
 wie stet vnser her sathanas nu Hie sted recht als eyn boszes wipp Tunc sathanas saltando dicit / Das kostet nach etlichen
 sele vnd lipp Die sich von mer nit hon vorwart Süsse mach ich mich vff die fart Et sic vadit lento pede et dun peruenerit
 vbi est herodias exhibeat se ei quasi reuerenter et dicit / Got grussze vch schone fraw mynen Eye mochte eß myt wern
 huld{1} synen Das ich vch mochte gefragenen Vnd er mer willet sagenen Wer vch erzornet habe Das fregen ich dan abe
 Wan ich vnder vweren augen wol Sehen das er sijt zornes vol Herodias respondit / Das sagen ich der by mynen hulden Jch
 byn szo recht vbel geschuldenen Von eym der nenet sich iohan Das ich keyn freude gehalten kan Eß en werde dan an em
 gerochenen Das hie mer szo vbbel hot gesprochen Sathanas respondit / Szo volget mer fraw ich wel vch leren Jr sollet vch
 machen an vweren herren Den konigk herodes sollet ir bidden Mit schryenden augen nach wibes sidd{1} Vnd sollet em
 vffin vwer leyt Szo weiß ich wole hie wirt bereyt Das hie thut alle vweren wyllen Vwer schryende augen wirt hie stillenen
 Vnd weiß er dan von em begert Das sijt alles samet gewert Hie en lesszet vch yn keynen noden vnd Solde hier den selben
 man losszen toden Der vch szo leyde hot gethaynen do midde wyl ich von hynnen gan Gebet mer orlaupp fraw zart Jch
 wel mich machen vff myn fart Et sic recedit circuend{1} 7 auscultand{1} De fine huius facti herodias dicit quasi ad se
 ipsan En truwen das ist eyn viel gut rayd Den mer die fraw gegebenen hott DeJnde surgit vadit ante regem dns herodes

konigk myn lieber herre Wyssze das mich muhet szo sere Das du host lossen von der gan Den viel vngezogen man Der da vor szo lesterlich hat geschuld{1} dich vnd mich Wilt u das an em nit rechenen Szo wel ich der wol vorsprechenen Du gewynest nun mer eyn gut wipp an mer Dar zu wel ich numer gefolgen dir Dynes wyllen als ich hayn Du bestellest dan das der selbe man Kom balde von disser erdenen Wan ich magk numer frolich werdenen also lange als ich en weyß leben herodes her dicz mercke ebenen Wilt u haben trost von mer Szo loß mich trw fynden an dir Tunc rex surgit 7 amplexetur . illa{3} 7 faciat eun sedere penes se dd{1}o nu siccze nidder fraw mynen Den vnmud salt u losszen synen Wan du bist mer eyn werdes wipp Viel lieber ist mer dyn zarter lipp Dan alle disser wernde gut Des salt u haben gutten mudt alles das dich betruben magk Das en lyden ich sicher numer eyn tagk Jch wel es der keren deß gleube mer Mulier subiungit Wan das geschit szo dancken ich dir Rex Myn liebes wipp es sal gescheen Mulier Mer gnuget wol wan ich eß sehenen Rex Du salt esz sehen vff myn eydt Rex dicit ad seruos Wol uff ir gesellenen nu syt bereyt Sreddel vnd qwancz myn lieben knechte Vornemet mynen willen rechte Wes ich vnd myn fraw begeren Das sollet ir vns von stunt gewernen Er sollet vns suchen Jenen man Der sich nemet der teuffer Johan Slucket eß vch das er en moget fynd{1} Szo sollet er en gar feste bynden Vnd furet en vff der selbe fart Jn eyn gefenckniß also hart Das he vns dar vß nit moge entgan Dar Jn solt er en siczen lan Bys mer vns rechte wol besynnenen Wes mer myt em wollen begynnen Sreddel respondit herodes lieber herre mynen Was er gebietet das sail synen Et statin vertit se ad sociun d{1}ns Qwancz myn geselle nu wol an loß vns des werckes balde bestan Myn herre wel eß nit lenger entpeern Quancz Truwen das thun ich rechte gern nu gangk an ich volgenen der Sreddel Wol an wol an szo lauffen mer Et sic transeunt transeundo / quancz d{1}t Wane kunden mer nu fynden den manen Sreddel Ja hie en magk vnß nit entganen Qwancz nu swigk vnd loß vns vort lauffenen Sreddel Sich vff mynen eydt hie stet al dort Qwancz Ja nu ist dem dein dinge recht Vnsze sach wel nu werd{1} slecht Et tunc sint apud Joh-em 7 furibundi capiunt ipem trahendo 7 dicit quancz Sage an du boszer feyger manen Was hot der vnser herre gethan Vnd auch die frawe schone synen Wie darffes tu szo kune synen Das du en szo vbel host gesprochenen Das sal an der nu werd{1} gerochen Mer woln dir dyns klaffens sturenen Vnd dich Jn eynen kerkener fuerenen dar Jn must u vortbenen Vnd eynes boszen todes sterben nu wol an nu wol an Mer en hon hye keyn lenger stan Et sic impetuose ducunt eun ad carceren clamantes ad inuicem in via Et primo Sreddel En truwen nu ist es vns wol ergangen Dywyle mer den mudingk han gefangen Quancz Ja wan mer den brengen zu hoibe Jch gleube das vns myn fraw solle lobenen Sreddel Geselle nu loß vns dar zu sehenen Das vns der man nit moge entgehenen Quancz neyn ich halden en des zu fast Sreddel Geschee vns der hon eß wer mer ouch brast Et ante carceren dicit quancz Solde hie vns nu men entgan Szo muste hie groß glucke haynen Sreddel neyn hie zwar des hoffen ich doch Mer woln en stossen in disse loch Et sic trahunt eun ad carceren 7 postquea reclusus est in carcere exeunt illi duo Et ante carceren dicit quancz Sich nu hon mer eß wol bestalt nu wollen mer lauffen rysch vnd balt Vnd woln zu hobe dye mere sagenen Das sal vnszer herschaff woil behagenen Et sic ibunt et cun perueuerint vbi est herodes faciunt sibi reuerencia{3} et Sreddel dicit herre mer kommen zu vvern gnadenen herodes nu saget mer sunder allen schanden wye eß vch habe gegangen Sreddel herre den man hon mer gefangen Vnd hon en rechte woil bewart Jn eynen kerkener gesloissen hart Das hie vns dar vß nit moge entgan herodes Des wel ich vch genisszen lan Jch vnd auch die frawe myn Mulier Ja sicherlich das sail synen Jch wel vch vmer weszen holt Vnd dar zu geben richen solt Et tunc faciunt reuerencian mulieri Et dicit Quancz Frawe mer hon eß gern gethaynen Myt vwer m orlaupp wollen mer von hynnen gan Et sic vadunt ad loca sua finito ho illo Discipuli Joh-is sequuntur eun a longe paulatin vsque ad ianuam carceris ibi manentes stare timidi et perterriti Tunc Joh-es baptista mittat d{1}los suos ad ihesun dicens Jr lieben brudder gehet hen Zu ihenu recht fraget en abe hye es sye messias addir crist Der in die wernt zukunfftigk ist als vns gelobet ist ynen der ee ader beyden mer ymandes anders mehe Primus discipulus andreas d{1}t Das thun mer gern weiß gott Mer leysten gern dyn gebott Mer soln zu disser erbeyt Viel gern syn bereyt Das mer zu ihenu kommen dar Vnd nemen disser frage war hoc dicto d{1}li Joh-is veniunt ad ihm Cantantes Tu es qui venturus es Et dicit Scduns d{1}lus scet petens herre mer synen zu der gefangk Zu der von galileen landt Von eym heiligen manen Dem teuffer Johanne Das du vns sagest wer du bist abe du syest der herre crist Der vns ist gelaubt Jn der ee ader warten mer ymandis andirs mehe Respondit eis ih-us cantando / Jte dicite ioh-i qen vid{1} 7c Johanni sollet er widder sagen was geschit yn dissen tagenen Die sichen werdenen nu gesunt Die stumen offen nu Jren mondt Vnd wie die blynden nu sehen Johanni moget er woil Jehen Das nu die lammen lude gehen Sehet das loszet en vorstehenen hy szo magk ir mercken die nu recht was der redde synen Tercius d{1}lus scet / Symon dicit ihenu Szo sagen mer Johanni dort lieber herre disse wort Die mer vornumen hon von der Woil an ir brudder gehen mer Widder heym zu lande wert Joh-es vnser zukunfft gert Sic d{1}li reurtantur ad iohennem 7 dicit ei Quartus d{1}lus scet thomas manente ihenu in eodem loco suo 7c Johannes herre gleube mer Jhesus hot entboddin dir Das der toden viel vff stehen Vnd die lammen lude viel gehen Den stumen vffen werde ir mont Der sichen wirt viel gesunt hie dicz gut zu mercken ist Das hie sijhe der ware crist Der vns menschen ist gesangk Zu eym droster vnd eyn heylant Discipuli ioh-is ibunt ad locun pristinun vel ad placitun manebunt Stare timidi vsque ad decollaceno{3} ioh-is et d{1}li portant eun ad sepulcrun hys omibus hoc mdo peractis Jh-us in loco suo manebit sedens donec ordo itrund tangit eun / Jam itaque 9uiuiun herodis incipit herodes dicit militibus nu horet ir ritter vnd ir knechte Jch wel thun nach allem rechte Wan eß ist hude der tagk Vff den myn mutter myn gelagk Vnd ich also hude wart geboren Des wel ich hude sonder allen zornen Den selben tagk begehen mit erenen Dar vmb szo wel ich nit entperenen Man sal vns bereyden eynen tisch Dar vff seczen wilt brot vnd fisch Schoine brot vnd gutten wynen Wan ich wel hude frolichen synen nu dar Troxes hir hebe dich Bestelle die sach reddelich Troxes respondit

herodes edeler herre mynen was ir begeret das sal synen Et vertat se ad alios ad hoc deputatus d{1}us nu wol uff ir lebenen gesellen helffet mer den tisch bestellen Vnd loszet vch des nit vordrysszenen Mer woln syn alsampt genyssenen Et tunc perparant mensam Et Interin Judei vel dyali corisant Parata mensa rex dicit nu sizet hyr zu nach myner ger Jr sollet hude essen myt mer Du liebes wipp myt dym kynde Vnd anders myn hoibegesynde Wer wollen weszenen fro Wan es fuget sich also nu thut mynen wyllen vnd machet es nit langk Des weyß ich vch groissen danck Mulier surgit dicens O edeler herre erentrich Dyn bede ist szo mogelich Das dir die nymandes sail vorsagenen Es sail vns allen wol behagenen Das mer mit der drincken vnd essenen Vnd alle vnsers leydes vorgessenen also wel ich mich seczen nidder Myn thochter sprichet nyt da widder Sie seczt sich auch al her by mich also thun mer alle glich Die der herre zu dynste stanen Sie woln dich myt nichte lan Szo wollen dich dynes wyllens gewernen Wanen sie dyner hulde alle begernen herodes dicit Szo wol nidder vnd sijt gemeyt Jch hoffen das vns tolling keyn leyte hude von tage selle vber gan Synt ich szo liebe geste hanen Chorus cantat meretrix swadet 7c Et sic omibus sedentibus et epulatibus Sinagoga cantat finito cantu pausat Et dicit rex filie herodial- hore mich du schone tochter mynen Sint mer hie nu vorsampt synen Jn eyner wertschaff also rich Szo bewysze dich tochter hobelich Du salt vns danczen vnd springen Szo sail der hude wol gelingen Jch sweren der des eynen festen eyt Das dir von mer nicht wirt vorseyt alles das du biddest von mer dochter myn das geloben ich der Pfilia respondit surgitque faciat reuerenciam regi dicens Synt du eß herre nit wilt entpernen Sich szo thun ich eß rechte gern Vnd wel es durch nymants lan nu wol an nu wol an Et sic incipit dissolutis manibus mon subiungendo Wer gesach ye stolzer meyd wem myn weyß nit beheyet Der ist Jo eyn tomer manen Es en magk dach nymants freyde gehaynen Sonder meyde vnd Junge wybe nu wel ich hude myt mym libe zu willen mynes herren syn bereyt dor zu byn ich vnd vorzeyt Eme zu wyllen vnd synen gestenen Wan ich wol weyß das hie das beste Geyn mich sal an em bestan Dicz ist vch herre zu dinste gedonen das losszet vch hude zu willen synen hoc dicendo inclinatus se 7 cessat Rex subinfert Ja wole du liebe tochter mynen Es hot mer alzu wol beheyet alß dyr nu hor zu gesaget Szo heysch wes dyn hercze gert des salt u alles syn gewert Ja wer eß auch halb myn konigrich das gebe ich der sicherlich Tunc puella reuerenter se exhibendo dicit regi herre myn zu vvergnadenen Szo wel ich mich vorberadenen Myt myner mutter die sail mich leren was ich solle heyschenen von mym herrenen Rex dicit Synt das der dar zu stehet der mut Szo thu em also er wirt wol gutt Filia conuersa ad matrem dicit Mutter myn nu gibst mer raitt Synt mer myn herre gelaubet hoitt Szo geben als was ich wolle Szo sage mer was ich heyschen solle Tunc sathanas ingerat se in habitu proris et dicat anquea mater respondeat O werde Jungfraw vnd fraw fynen Jch hore wol was vwer redde synen Vnd pruben das vwer begere stad das ir gern hettet gudden raid was ir vor das beste solleet kyeszen wolt er die bedde nu nit vorlieszen Szo biddet vmb Joh-es heubet Das ist der beste raid das gleubet Dan wo Joh-es blibet leben Das wirt vch beyden gar vnebenen Disser herschaff wirt hie vch berauben Des volget mer Jn guttem glauben Mater puella dicit Synt mer eß dan syn bericht Szo en salt u tochter andirß bidden nicht dan das heubet deß selben manes den man nenet den teuffer iohannes Filia respondit Die wyl es dan dich mutter duncket gut So salt u haben gudden mut Der selbe hot mer szo leyde gethaynen Das ich wel syn heubet hon Vor alles das mer anders dochte das mer myn herre gegeben mochte des wel ich gehen myt gudd siddenen mynen herren vmb das heubt biddenen Et sic conuertat se ad regem 7 reuerencia exhibita dicit Gnade lieber herre mynen magk es myt vvernen hulden gesynen Szo hon ich mich nu besonnenen ab er mer willet der gnaden gonnenen als er mer zu gesaget hoit Szo wisset das myn begere stad das ir mer ioh-es heubet willet geben des dancken ich vch die wyl ich lebenen herodes hac peticone audita inclinans caput trist{1} incedat Et tand{1} leuato capite dicit puella Tochter mynen das sal gescheen hores tu das sreddel szo gangk hen Joh-es heubt hole vns here Myner tochter bringe eß vnd gib es ere Sreddel respondit herodes herre das wel ich thun Solde ich en zu legen also eyn hoen Das tede ich gern durch die meyd Das ir herre hot zu gesaget Jch en wel es dar zu myt nichte vorlengen Jch wel gehen vnd das heubt here bringen hoc dicto sreddel vadit ad carcerem fingit se iohennem decollari dicit wo bist u her zeuberer Kom her vß vor dissen kerkener vnd mach es nyt langk Jch muß der nemen eyn sweres pandt Dyn leben sal nu eyn ende han Want du must mer dyn heubt lan nu knybe nidder trogener loß dyn got walden Jch wel der helfen gar balde want du host myner herschafft gar vbbel gesprochen Das sal an der nu werd{1} gerochenen Et interin d{1}li ioh-is portant corpus ad sepulchrum Et caput in disco allato portat puella dicens Jungfraw zart hie ist das heubt Johan des teuffers das gleubet das nemet hyn nach vwer beger puella accipit dicens Lieber geselle lange eß mer here Du komest mer da mitte gar ebenen Jch wel es myner mutter gebenen Et antequa caput dabit matri cantat canticum saltando 7 corizando nu wole mich nu wole mich Joh-es heubet tragen ich . Joh-es heubet hon ich hie . des hon ich begeret je Et dicit matri nym hyn das heubt mutter mynen Vnd loß vns guddes muddes synen Mer woln vort men sanfft slauffenen Wan vns nu nymandes darff mer strauffenen Mater respondit Ja du liebe tochter mynen nu woln mer frolich synen nu lange mer das heubt here Dor nach stunt alle myn begere Gib mer es here yn myn hende Jch wel eß schigken vff eyn ende Et sic accipiens caput et reponat Tunc sathanas qen oninbus hys interfuit sub habitu vt perfertur nunc se denudans clamat horribiliter in castro herodis O ho oho ich han gesehenen Das alle myn wyll ist gescheen Der man yn vnschult ist ermort Des wel ich balede lauffen dort Disponatur lucifer sub silencio ad doleum cun suis Czu mynem herren lucifer Vnd wel em sagen gudden mere Jch weiß hie wirt mich wol entphaen Synt ich em hon szo liebe gethaenen Et tunc deponat pallium cu{3} pepulo et currit sub forma dyabolica ad luciferum qen stat in doleo 7 dicit Sathanas O frawe dich frawe dich lucifer Jch hon erfolt dyn beger Des habe vortmen keyn noit Joh-es der teuffer ist toidt Dar zu halff mer eyn schone meyt Mynes rades was sie vndvorzeyt Er mutter stercket sie dar an Das zu dem tode quam der man Lucifer Wol dich sathan du lieber knecht allen dynen dingen thust u recht Die der vmer werden bevolen

Eya nu raid zu wer sail vns holin Die frawen stulcz vnd auch dye meyt Jch sprechen das vff mynen eyd Synt mer eß von gode ist vorhenget Szo wel ich das er mer sie brenget al in disser dieffenen helle glut Sathanas subinfert Ja herre das wirt rechte gut des wollen mer alle myr dem houffen Czu des herodes hoiff lauffen Vnd holen das wypp vnd auch die meyt Liebenen gesellen nu syt bereyt Belczebugk herre sathan du gibbest gutten raid Mache dich vorhynnen vff den pad Szo volgen mer der alle nach Wan vns dar zu ist rechte gauch wer woln vns dar zu zeugen Dye meyd vnd auch die frawen woln mer bringen an die stad Die luciper bereydet hot Jn der helle solchen wybenen Die vff erdenen vndzucht tribenen Luciper ach lieben gesellen nu lauffet hynen Er mochtet hye zu lange stehen Die sache mochte gewarnet werdenen Szo geschee mer szo leyde vff erdenen Spiegelglancz neyn herre das woln mer Jo bewarenen Mer woln gar fryschlich do hynnen faren Mer woln hie nit lenger stan Die reyß wel ich vns heben an Jch wel vns wol das felt berynnenen Des raubes woln mer myt erste besynnenen wer woln auch nyt vorlieszen dar anen Frauwenzornen nu dar szo mache dich vff die banen Szo woln mer alle folgen der Das mer die wyber bringen her Der reyß syn mer vnd vorzeyt Jch hoffe das mer die schone meyt Zu der bute solle gefallenen Luciper Impaciens dicit Der tufel ist in vwerd schallenen nu holt den raub vnd butet dan Jch fochte das icht eyn ander man vch den weyk mochte vnderganen Jr rechten narren wie stundet ir dan Sathanas respondit Luciper herre das mer vns leynt Jczunt syn mer alle bereyt Jch lauffen an nu volget na Et sic currit ad matren sequentes onenes Set luciper manet in doleo clamando cun impetu ha . ha . ha . ha . ha . ha . Et currunt vbi est mater 7 filia quas impetuose cercundabunt Et dicat Berith Woluff er wyber ir solt zu hoibe Er sollet entphaen gar selczen gabe Jn der hellen woln mer vch schengken Mit swebel vnd bech woln mer vch trencken nymandis vff er erden moget ir genissen Der herschaff mag vch wol vordrissenen vwer rechte lon sal vch werden Den er vordienet hot vff erden nu wol vff nu wol an vwer freyde sal eyn ende han Et sic atrociter arripientes ducunt eos filia clamante 7 dicente in via Owe das mer ye wordenen gebornen Lypp vnd sele hon mer verloreenn heylalle mutter vber dich zu dissenn nodenen host u mich Bracht myt dym falschenen rade Owe das mer eß ye getadin Et sic ducantur ad infernum et demones peentabant eo lucifero Et dicit sathen cun oninbus alijs ad luciferum qui stans in doleo // Sathen dicit Luciper herre nu biß froe mer hon thochter vnd mutter nu gefuret yn des helle grunt Des salt u komen alzu stundt Dyn geste Saltu entphan Luciper respondit Finito rigmo currit ad Infernum Das thun ich gern Sumer myn wan Jch wolde sie recht gern sehen Wol hyn lieben gesellen wol hynen Mich hot nach en vorlanget sere Sie hon szo liebe gedyenet mere Das eß en alwege sagen danck Die zyt wel ich en machen langk Eynen dagk das sagen ich alle vorwar Der sail sie duncken mer wan turent Jar nu wol here nu wol herre alsampt vnd volget mere Et sic omes cun Impetu currunt ad infernum hys oninbus pact{1} perdicator insinuat onina ista perscripta ppl-o materna lingwagione et non rigmtico Finito sermone sal

F210-001r,03 uator ducitur ad desertum per angelos Chorus cantat ducetera⁹ est ih-us in 7c Duo angeli cun candel-ducunt ihem cun responsorio Te scan doim et cun peruenerint ad desertum Primus angelus dicit rigmun disponantur due candelae Dich heilger got vnd herren alle hymelsche here dich loben vnd eren Dich loszest vorsichen vff disser erden abe der sunder von dem teufel versucht werde Das hie dem moge widder stehen Vnd yn syn selbes hercze gehenen angelis recedentibus Sathanas venit cun habitu lolhardi et dicit Du bist krankk das pruben ich wol Das ich vngern lyden sail Die vmmacht dir gar nahe lyt Du host gefastet vber zyt Bist u des waren gottes sone Szo sprich du mogest eß wol thun Das disse steyn werden broit Vnd busze dyns hungers noit Saluator respondit non in solo pane 7c Swigk Sathan vngetruwer boszewicht Jch en achten dyner redde nicht Der mentsche nyt syn leben hot als yn der ee geschribbenen stad alleyn von des brodes krafft Sich gottes wort sicher hafft Mogent ferrer baß gegebenen Dem mentschen krefftliches lebenen Dein Sathanas ducit eun ad doleum quod positum est in medio ludi repersentans pinaculum templi dicit Sathanas angelis suis deus mandauit de te 7c Bist u nu gottes sone szo falle her nidder wan der nicht en saill Czu dym libe schaden synen Sich gottes engel hutten dynen Jn allen wegen von der noit Myt flyß en gott von der gebot Das sie dich yn eren henden heben Dyn fuß keynes stoiß kan beseben Gescheen mag der numer leynt Dar vmb felles tu myt sicherhey Saluator reent Scriptum est em non tentabis denm deum tuum 7c Vnnucze ist dir dissze bosze list Wan zu der ee geschribben ist Szo man lisset vber all Das nymandes versuchen sal Synen schepper vnd synen gott Das ist eyn gotlich gebott Dein ducit eun ad aliud locum designans montem excelsu{3} d{1}us hec oia t{2}i dabo Sich dissenn schacz vnd dissenn ort der wernde rich al vmb dort Burge stede vnd alle lant dissze hirschaff ist yn myner hand das wel ich alles geben dir{1} wilt u dich vnterdenigk machen mer Vnd yn mynen dynst tredenen Vnd mich vorter an beddenen Szo wirt der kvnnelicher rum vnd alle der wernde richtum Saluator rent Vade sathanas et solun vni deo seruies 7 dicit Las sathanas die redde dynen wan das en magk myt nichte gesynen Das du an mer host begert Dyn schacz ist kleynes raides wert noch richtun den die wernt hot Sich in der ee geschribbenen stad Das man nach moyses gebode nymandes dan eyne godde Mit dynste sal vnterdenigk weszen an den magk nymandes genesenen Des fluch sathanas von hynnen Myn engel soln myns dynstes begynnen hoc dicto Chorus cantat reliq{2}d eun temptator Et angeli accedunt e conuerso ad ihesum Interea saluator videns . petrum . 7 andream . qui stant a longe vocabit eos ad apl-atu{3} dicens eis venite post me facian vos fieri piscatores hoim 7 dicit Disponantur petrus 7 andreas prope viam stando Jr herren komet volget mer Szo geschit vch wol das ir vor fische lude fahen solt ab er mer gerne folgen wolt Wolt er mer weszen vnderthan Szo solt ir ewigk leben hayn Jn mynes vatter rich Das wysset sicherlich Petrus respondit Mer volgenn herre gern der Was du gebudes das thun mer Wan du bist der heylant Der vns zu troste ist her gesant Ja der ware godes sone Der vns magk alles guddes gethun hoc dicto Chorus cantat ad vnus uisionis vel ambulans ihesus scdm placitum Saluator cun hys duobus sc{3} . petro . et andrea . percedens vterius . 7 videns . matheum . bartholomeum . Juda{3} . philippum . Thoman . d{1}t eis Qui seq{2}tur me 7c Jr herren

wer mer volget nach vnd ist zu myner lere ganch Jn finsterkeyt hie nit en gait Ewigk licht hie vmer hott nu volget mer szo wirt bereyt Vch freyde Jn ganczer stedykeyt Bartholomeus rent Das thun mer her sunder wanen Mer sollen gern mit dir gan Wan du der war heylant bist Der vns zu troste komen ist Gesant van hymelrich Zu der herre weszen ganch Vnd dyner lere volgenen nach Cun his saluator item procedit et videns . Joh-em . Jacobun . 7 Jacobun . symonen . Thateun . et dicit eis vos amici mei estis si fecerit{1} 7c Jr moge er liebenen nebin mynen Myn frunde muszet er syn Wollet er erfollen myn gebott Szo wel vch ewiglichen gott Freyde vmer vnd ewiges leben Myt em yn syme riche gebenen Symon rent Was du gebudest das thun mer Vnd wollen herre volgenen der Mer soln thun nach dym gebodde Wan du komen bist von godde Gesant her vff erterich Das duncket vns wole mogelich Das mer dynen wyllen thun Du wist der ware goddes son Der vns seligk machen magk Des sollen mer der allen dagk Volgenen herre wie du wylt der selben sach vns nit vorfelt hys oemibus completis cantabant appl-i responsoriun VNm caro factun 7c duo quee versun cun repeticone Jstis itaque scdem ordinem peractis dicit ihenus d{1}lis suis amen dico vobis q vos q{2} reliquist{1} 7c Jr frunde horet was ich vch sage Wilch vwer hot an dissem tage Begebenen werntlichenen raitt Vnd gern mer{1} gefolget hot Grossze wenunge vch deß wirt hondert salt vch das widder wirt Freyde vnd ewigk lebenen Wel vch myn vatter widder gebenen Dort oben yn syme riche Das wisset sicherliche Saluator manet hic stare cun discipulis et angeli canunt Silete deJen herodes dicit Vornemet mich alle glich Beyde arm vnd rich Jch byn herodes gnant Eyn geweldigk konig vber alle lant Fursten graffen vnd dinst man Musszen mer alle zu gebode stayn Was wasszer lufft vnd erde treyt Das muß mer alles syn bereyt Doch szo hon ich wol vornumen Das eyn zeuberer yn disse lande sij komen Der sich nenet alsus Jhesus von nazareus Vnd spricht hie sij eyn konig gebornen Die redde thun mer bilch zornen vnd magk des nemen keynen fromenen Synt hie sich des hot an genommenen Des hie nit en ist adder werdenen magk Es komet nach wol der dagk Das hie der redde nicht bekennet adder sich auch keynen konig nenet Wer mer{1} nu brecht der selben manen Der muste alwege myn holden hanen Pilatus dicit Jch byn pilatus eyn geweldigk here Vnd wel vch sagen war mere Das ich wel eyn recht richter synen Vnd sprechen das vff die tren myn Wer mer nit gehorsam ist Der sal vorderben in kurzzer frist Hie sij arm adder rich vbber die richten ich alleglich hie sal nach werden gebornen Der da bliben moge vor myn zorn Dar nach schicket vweren mut Das ir fridde habet gut Want hie nicht vberlebet eyn nacht Der mit rechter schult wirt vor mich bracht Saluator cantat Ecce ascendinus Jherosoliman Et dicit d{1}lis Myn viel aller liebstenen frunt Jch thun vch eyn redde kunt Des sollet ir nicht betrubet synen Des mentschen son sal lyden pynen an em sal werdenen voln bracht Das von den propheten ist bedocht Zu Jherusalem wollen mer gen hyn Dar zu hon ich mynen synen Vnd wel da straffen der Judden Ee Vnd wel do thun wond vnd zeichen me Et sic vadunt per paruun spaciun vbi inuenient fontem Saluator d{1}t Jr aller liebstenen Junger mynen gehet vort zu der staid yn Vnd schigket vns nach vnser wysze was vns noit zu der spysze Petrus dicit her meynster das sail synen mer woln keuffen broit vnd wynen vnd was mer bedorffen mene nu komet die mit mer woln gehen Et sic discipuli vadunt ab eo per aliq spaciun Saluator sedens super fontem angeli canunt silete 7 Jnterin disponitur Samaritana que venit cun vase Saluator d{1}t Frauchen gut nu hore mich Eyn bedde bidden ich dich Schepp myt dem gefeß vß dem wasser Vnd gib dar vß zu drincken mere Samaritana dicit Disse bedde hot mich gar wonderlich Das du Judde des biddest mich Synt ich byn eyn heydin Vnd heyszt mich das wasser gewynenen Myt mym gefesz vß dissen boerne vnd sage das an allen zorn Dar ir iudden myt vns heyden nicht habet gemeynschafft adder geschicht Saluator dicit Wissens tu godes gabe Vnd kennest dem myt loibe Der an dich solich bedde leyt Du bedest an vnderscheyt Vmb das lebendige wasser Das mocht hie viel woil gegebenen dir Samaritana dicit herre myn szo sage mer wie ich moge gegleuben der ader wo mit du scheppen wylt den born nu host u doch alle dyn gefeß vorlorn ader wo von du habest das lebendige wasser wie kanst u das erdencken besser Dan vnszer vatter Jacob Dem sagen mer disses bornes loib Der hot vns dissen born gegebenen Vnd drangk des selber by sym lebenen myt synen kyndern noszer vnd gesynde Bessers borns kan man nyrgen fynden Saluator dicit Wer disses bornes gedruncken hott Den dorstet verder an spott wer aber drincket vß myn bornen Der hot synen dorst ganz vorlornen Das wasszer das ich den mentschen gebenen do von entspringet en das ewige lebenen Samaritana dicit herre deß wassers gib auch mer{1} Des wel ich vmer dancken der Das ich nicht mene dorff her gehenen Sunder dissen born hie loß stehen Saluator dicit Szo ganck vnd hole dynen manen Samaritana dicit Jch en hon keyn des mer gott ganen Saluator dicit Des halben host u ware geseyget Funffe man host u zu dem tode gekleyt Vnd den do host zu disser frist Der selbe nicht dyn manne ist Samaritana dicit nu hore ich wol das du bist Eyn groisser prophet an falsche list Vnszer altvedder hon alwege Eres gebeddes alhie gepflegenen Vnd ir iudden sprechet das man solle Zu Jherusalem gottes werck erfollenen Saluator dicit Du salt des sicher gleuben mere Das kurtzlich geschiet by der Das zu iherusalem adder an dissen stedenen Gode dem vatter geschiet keyn bedde Vnd an bedet das er nicht erkennet adder en wysset wen er{1} vor{1} gott nenet Das heyl vß den Judden ist entstanden Das da kontlich ist yn allen landenen Vnd die zyt ist nu komen Das man die waren anbedder hot vornumen Die da anbedden den vatter vnd den geyst der worheyte Der vatter die selben suchen wirt an vnderscheyt Vnd der geyst ist der selbe gott hyr vmb szo ist vch allen noitt Das er den anbeddet yn der worheyte Wer anders thut das wirt em leyt Samaritana dicit Jch han viel dick vornumen Das der ware messyas werde komen Wan der komet vnder vns heyden Der wirt vns alle dingk bescheydenen Saluator dicit Jch byn esz der hie die redde thut Das wyssze frewlynen woil gemut Discipuli reurtuntur ad saluatorem circa fontem et anq{2} veniunt ad eun jn via Joh-es dicit ad d{1}los Jr brudder loszt vns widder gehen Da mer vnser meynster lysszen stehen Vnd sehen ab ymant sich habe bedocht Der em zu essen habe bracht Et sic procedunt vltra ad saluatorem petrus dicit Meynster hie ist zu essen Saluator respondit Jch hon eyn spysze der ist mer nit vorgessenen Mynes vatter wyln wel

ich voln brengen Vnd syn werck wel ich endenen Want er meynet es sij nach nyt eren hebet vff vwer augen sie ist nyt fern Das felt ist als yn der ern wyß Der nu meet der numet den lon gewyß vnd samet die frucht yn das ewige leben Vnd wirt myt den seligenen glich freyde gegebenen Jch hon vch zu mehen vßgesant Das er nit gesehet hot myt der hant Eyn ander hot vch die erbeyt vorgethan Vnd er yn der lude erbeit sijt geggan Samaritana relinquens ydrian circa fonten currit ante sinagogan clamando 7 dicit Kommet vnd sehet den mentschen vnd vorzeyt Der mer Jn warheyt hot gesagett alles das ich ye hon gethan Jr moget en woil vor cristun hon want ich grossers prophetenen nye habe gehort Got spricht vß em selbers synn wort Bifus Judeus rent Frawe mer hon dick gehort Vnd gleuben vnszer viel an die wort Vnd wisszen das selbe vorwar Das hie ist eyn gesuntmecher vffinbar alle wernde zu trost vnd zu selikeyt Er ist der vnszer bordenen treyd Vnd ist vns allen bekant Jhesus ist syn name gnant Cecus cun seruo incipiunt cantare 7 transire versus sinistran manun circuli in obuian saluatori pust canticun Seruus dicit rigmun herre wie dencket ir nu Jch essze wol eyer vnd fladen zu Dar vmb ruffet vns die lude an Mich Jucket gar sere der fladen zan Myt vch wel ich mich gar wol neren Jch kan das fladde sail gar woil vff die zunge kerenen Cecus dicit ach myn viel liebenen lude Gebet mer armen blynden hude kesze fleysch vnd auch das speck die fasten ist druwen nu enwegk Eyer worst vnd fladenen Das kan mer alles nit geschadenen vnd was mer quem yn die hende Die wolde ich byssen dorch beyd ende Jterm cantant Cecus dicit ach we mer armen blynden manen was sal ich vff disser erden gethan nu wart mer dillingk nut gegebenen Das komet mer masze ebenen gebet mer lieben lude gemeynen Die eyer vnd losset das nest do heym Jch wolde vor den bidden die wyle ich lebe Der mer hude eyn gabe gebe Vnd wyl em zu trost vnd zu heylenen allen dagk hundert pater noster mit deilen vnd manche walfart die ich hon gethayn an dem sal hie alle deyle han Seruus dicit herre du kanst viel gulen Jch en sehe doch nymant zu vns ylenen Mach vns men des gedensze abe sich ymants erbarmen wyl vber vns Vnd wolle erkennen vnszer noit Vnd vns geben wyl fleysch vnd broitt Cecus dicit ach lieben frunden mynen Synt mer alle gebrechlich synen Vnd an der mentschlicher natueer miszlich horet alle vnd vornemet mich Jch en habe leyder mynes gesichtes nyt Dar vmb byn ich zu vch geplicht want ich vozyten vnd vortagenen Vorware han horet sagen Das ih-us der groissz zeychen thut wolkommen yn dissze stad Die da bethanien ist genant Do mer das wart bekant Do ylet ich gar sere here want sicher das ist myn begere Das mer widder wurde myn gesichte Des sijt alle von mer bericht Das ich den gern wolde sehen Wer mer eynen penigk het gegen knecht myn wolde hie komen zu hant Der ihenus ist gnant Der den blynden das gesicht kan gegebenen Szo wolden mer yn freyden leben ach knecht sich dich wyt vmb ab du en irgen sehest komen hoc facto Jhenus in loco suo dicit ad discipulos suos Myn boden vnd myn frunt Myn Jungern die mer gehorsam synt Jr sollet vch alle bereydenen Mer woln nicht lenger beydenen also das vor ist geschribbenen Das zeichen vnd wonder wirt getribbenen Von mer vnd von dem der mich hot gesant Des namen sal ich thun bekant zu galileen yn dem lande Reydet vch mer woln wandernen want nymant yn eynen lande geborn wirt eyn prophet vszern Jn synes vatter landt sicherlich Enwirt nymant eyn prophet das sprech ich Mer woln ziehen yn fremde landt da mer nach nit syn bekant Petrus dicit ad ihm Ja herre meynster das woln mer thun Mer woln yn fremde lande gan Mer woln der by bestehen yn allen sachen Dyn loib wollen mer bekant machen als spricht des ewangelies wort Jn allen sachen weszet starck Vnd thut yn allen zyden recht vnd forchtet nyt der mentschen geslecht Das wort vns die ewangelisten beschribbenen Das sal krefftigk an vns blybenen Mer wollen myt der gehen yn den toidt ab dir eß herre ist anders noit Von der enwoln mer nicht scheyden Jn allen noden woln mer dyn beydenen wer vorkundiget dyn loib yn der wernde wyt losz vns her gehen eß ist zyt hoc fcton Saluator transiens cun d{1}lis Seruus ceci videns cun d{1}t ad cecun horet herre an nyt Stehet vff balde eß ist zyt Jch sehe das dort here gehet Jhenus geborn von nazareth hot er zu dem gutten synen Szo wisset liebe herre mynen Das hie komet al dort here Vnd wel erfollenen vwers herzen gere Cecus respondens seruo d{1}ns Lieber knecht myn ich wol vff stan Synt der heylant komet geggan Szo entsalt u nicht loszen Du salt mich fueren an die strayssenen Do hie here komet der liebe herre Des begere ich von herzen sere Et sic seruus ministrans ceco manun ducens ipem secetera⁹ vian transeunte deno Et Seruus dicit ecco herre das vwer gott pfflege mer syn nahe dem wege auch ist ihenus vns gar nahe Stehet vff wollet er en entfahen Et tunc Jhenus antecedit cecun cun d{1}lis Cecus auten clamans voce magna dicit ad dominun O Jhenus du susszer mylder got Du mer dyn hulffe vnd dynen rait Jch bidden dich herre zu disser stondt Das du mich wollest machen gesunt Cecus point se sessu³ Petrus dicit Saluatori coran ceco Rabi quid peccat hon iste Et Jnterin Chorus cantat Cecus sedebat 7c Petrus d{1}t Meynster was hot disser mentsche gesundet Das hie also ist word{1} blynt Saluator cantat neque hic peccat et dicit Petrus das salt u also vorstan Disser mentsche hot nicht gethaynen ader keyner syner maige Dar vmb hie disse plage an sym libe habe vndvorschult Sunder das godes werck werde erfollet Cecus dicit ach heilger vatter Jh-u crist Synt du der armen troster byst Szo bidden ich dich armer blynder man Want ich leyder nicht gesehen kan Das du mich durch dyn gude Sehen wollest machen hude Saluator dicit Du ruffest ynniglichen zu mer Das dyn mich erbarmet sere wilt du erkennen den der mich hot gesant Das ist myn vatter vnd myn heylant vnd wilt den vorbasz eren Du salt dich zu eme kerenen Dyn lyden sicher ist mer leyt Sage mer dyn krankkheyt Jch wel hude dyn arcz weszen von aller krankkheyt salt u geneszen Cecus cantat Raboni vt videan lumen et dicit Meynster rabi vnd herre mynen alle ding yn dyner gotlichen krafft synen von marien der Jungfrawen reynen Jch bidden dich herre alleyn Das du mer wyllest geben myn gesicht an mym lebenen Jch en bidde mer nicht men heyls von dir geschene Dan das ich alleyn moge gesehenen Sinagoga cantat cun Judeis hoc facto dicit rigmun ad cecun ach du torechter man wye schryes tu eyn genckeler an was hulff magk hie dir gethun Jch muß des mynen spot hon Das hie dich sal sehenen machenen wer gehort ye wonderlicher sach abraham vnd iacob Moises vnd saroth malchus vnd vifelin Flatan gunprecht vnd Joselynen hot ir das ye gelesen das das mochte gewesen Jn disszer zyt vff disser erden Das eyn

blynde mocht sehen werden Das sage mer natan Judde fynen du dunckest mich aller wyste synen natan Judeus dicit Das sy lieb adder leyt Das sprech ich vff myn Juddescheyt Das ich nach nye yn buchern hon fondenen Beyde oben vnd vndenen Das das an zaubern mochte gescheen Das wel ich vorware gehen vnd an geuckely Das sie der keyser fry Die sich vormeszen das sie nicht mogen gethun Des hot mich spot vnd hone Jhenus thut allen enden widder das gesece vns alle e wel hie vns vorleczen Das sprech vff myn Juddescheyt Es wirt em sicher des tages leyt Das hie Jo wol thun widder vnszer ee Das thut em ach vnd wee Der recht dore vnd naer Jch wolde gern werden gewar Das hie tede das zeichen groß Der man ist gesichtes bloiß Swig du dorechter man vnd en rufft den swarzen bart nume an Swiget er hilffet der nicht Des bis hude von mer bericht Cecus item clamando dicit ih-u ach herre stille dissen houe Den die Juddenen an dir begane Des bidden ich dich lieber herre myn Thu mer dyn hulffe schynen vnd mach mich gesunt Jch gleuben an dich zu aller stundt andreas dicit Jhenu Meynster vnd herre gezwide mich was ich hude bidden dich Strauff die Judden zu disser stundt Vnd mach den armen blynden gesunt Saluator dicit ceco Kere dich zu mer blynder man Jch en wel hude nicht lan mynes vatter wyllen salt u thun Von mer salt u dyn gesunde entphan Myt krefftlichen sachen wel ich dich gesunt machenen Jn mynes vatter wyllen salt u lebenen Dyn augen wel ich der widder gebenen hoc facto dens liniendo oculos ceci reddens ei sanitatem Cecus autem habens visum dixit ad eum Gelobet sist u ihun crist Jch glaube das du war got vnd mentsche bist Du bist war mentsche vnd gott ach ir boszen iudden weiß hot er vweren spot Bys gelobet herre vnd meynster myn Jch wel auch dyn Junger synen vnd wel dich loben alwege Du host mer hude gegebenen wer gesach ye loblicher ding Jch was degerlichen blynnt Vnd byn worden gesunt Bis gelobet myn schepper zu aller stundt Sinagoga cantat nunquam naur 7c Cecus vadit ad sinagogan dixit Jr iudden fursten ich thun vch kunt Das mich ih-us hot gemacht gesunt myt syner geweldig hant vnd hot myn armut erkant hie hot erluchtet die augen myn die mer nu luter vnd reyn synen Vnd sage em loib vnd ere nu alwege vnd vmermere Sinagoga dicit ad iudeos Jst das auch eyn mentsch von gode Der da bricht den saboth vnd gotes gebode Wie mocht eyn sunder gethun solch zeichenen Jch meyn ab vns disser man wolle leychenen vnd entsijhe nicht der geborn blynt Jhenus hot myt em gedinget Sage an du Judde rupynen ab das vwer blynde sone moge synen Rupin dicit So sage ich das vorware Das en syn mutter blynt gebare adder wie er seher word ist Das fraget en want hie alt ist Meugker dicit Sinagoga herre hie ist myn brudder frawe zysergart was vnszer beyder mutter Die hot en lang blynt gezogenen Vnd ist druwen herre nicht gelogenen hoc factum angeli canunt Silete Et ihesus iterum transiens cum discipulis suis uenit in chanaanem uidens ipse cetera filia vexabatur a demonibus que clamans ad eum dicens ach herre vnd gott heylant Dyn groissze krafft ist mer bekant vnd dyn gotliche gewalt Jch bidden dich yn dyner drifalt Vnd durch dyn groß barmherzikeit Jch klagen der liebe herre myn herzeleyt Das myn tochter lidet swere anfechtung von dem tufel sere Entbynt sie lieber herre mynen vmb die groisse barnherzikeit dyn hilff er lieber herre Des bidden ich dich von herzenen Saluator rent mulieri chanaanee nu horet mich hude frawe gut Jch kene woil vweren synne vnd mut Jch wolle vch eyn redde thun Die mochtet jr wol von mer vorstan Es ist nit gut das broit nemen Den kynden vnd den hunden gebenen Mulier rent herre des ist by wylen noitt Das man den hunden gebe das broitt Du weist das herre selber woil Das man den kleynen hunden sail Sich von den krumen lan neren Die von dem tisch fallen irs herrenen Saluator dicit Frawe ich er kenne woil Vwer synne sint wysheyt vol Vwer glaube ist starck vnd groß nirgen fynden ich vweren gnoß nu sal vch kunt werden als er hot gebeddenen Gehet heyn zu vwerem kynde Gesunt solt er vwer tochter fynden Et sic mulier reuersa ad filiam filia dixit Mutter myn liebe mutter myn Wie mochte mer vmer baß gesynen Jch was sich vnd byn gesunt wol mich liebe mutter der seligen stund Jch was vil nach vortorbenen wer hot mer das erworbenen Das mer widder ist worden myn vornunft Woil mich syner seilgen zukunft Mater dicit filie Tochter myn ich en wart nye mere szo fro dir hot nu geholffenen jo xpus ihesus marien sone Den aller iudden man Sprochen von ioseph geboren syn hyr vmb liebe tochter myn Der dir hilff hot gethan Der ist vatter heilger geyst vnd sone Die werden namen dry han dich hude gemachet fry Von des tufels gewalt hyr vmb raden ich der balt Der dir hot erlost sele vnd lyp Dem salt u dienen zu aller zyt vnd woln en loben vnd vom em syngen allen Judden Jn der synagogen vnd en wollen des myt nicht lanen vnd solden mer von den Judden haß entphan Et sic vadunt ad sinagogan Mater dicit Jch loiben hie mit schalle Das moget ir horen er Judden alle Jhem den fromen man Dem er alle syt gram Der hot mich vnd myn tochter erfrawet sere Mer woln en alwege loiben vnd erenen hie hot die tufel bezwungen Das die alle musten snellich rumen Sinagoga respondit ach du thorechtiges wypp Loib also den trogener nicht want alles das hie begynnet zu thun Das brenget hie mit geuckeln zu wie mochte das von em gescheen Das wel ich vff myn Juddescheyt iehen Die sinagoge alle gemeynen heldet en von sunden gar vnreynen Saluator vadit ad sinagogan dicens quis ex vobis arguet me de peccato 7c et dicit Judeus Wilcher vwer strauffet mich vmb myn sunde ab ich vch die warheyt vorkunde Dar vmb entgleubet er mer nicht Jr hot vff myn toid geplicht Wer von gode ist kommen Der hot gottes wort schyer vornumen Jr sijt von godde nicht geboren Syner wort gehet vch keynes zu oren Sinagoga dicit none benedicimus nos quia samaritanus es 7 demonium habens et dicit ihesu Was manes magks du weszen Magk man nyt vor der geneszen Du sagest du schest der man Dem man weszen sail vnderthanen auch redder mer nit mit der her ih-us want du bist eyn rechter samaritanus vnd host yn der den boszen geyst Der koszet vß der aller meynst Saluator dicit Ego demonium non habeo sed honorifico patrem meum 7 vos in honorastis me Ego autem non quero gloriam meam Et dicit Judeus Jch han yn mer keynen boszen geyst Jch eren mynen vatter aller meynst Er hot mer wirde vnd ere an geleyt Jch suchen nit ere adder wirdikeit Dan wer myn redde vornemen wyl Der lebet ewiglichen an zwifel Sinagoga dicit nunc cognoscimus quia demonium habens quia abraham mortuus est et propheta mortui sunt et tu dicis Si quis sermonem meum seruauerit mortuus non gustabit in eternum Et dicit nu wissen mer das alles vorware

Das du bist besessen gar want vnszer vatter her abraham vnd die prophetenn alsamen Sint vor manchen Jaren von disser erden vorfaren Vnd sprichest werde dyn redde vorneme Der solle ewiglichen lebenen Saluator dicit abraham pater vren exultat vt videret dien vidit et gausius est Et dicit abraham der^{1} vwer vatter was Das sagen ich an allen haß Der wonset das hie mynen dagk Muste schauwen das geschagk hie hot mich mit freyden gesehen Das wel ich wol yn worheyt Jehenen Sinagoga dicit quinquaginta annos nondun habes et abraham vidisti et d^{1}t nu horet wie hie luget vnd vns vnd alle die wernt betruget wol hundert Jar vorgangen synt Das vff erden abraham ginck vnd sprichet hie habe gesehenen wer gehort ye groisser loegen Jehen hie en ist nicht funffzig jar alt vnd gebbet sym monde solch gewalt Reich mer her die groissen steynen Jch wel en werffen an heubt vnd beyen adder hie muß gehen von hynnen vnd der redde nicht men begynnenen Et recedunt hoc facto maria magna superbo habitu incedit cun lucifero 7 alijs demonibus corisans Luciper dicit Wan maria bie schone bist u gestalt Dye man werden numer alt Die dich an schauwen Die schonheyt aller frauwen Die host u genczlich woil an der Des salt u gleuben mer nu sich her an dit spiegel glaß Der schonestn schone der du hoist nach schoner dan noch ye keyn wypp Sich szo schone ist dyn lipp Man sal vns aber lieren Jch wyl dich wol denczerenen Maria magna rent demonibus Ja viel lieben knecht Er komet mer wol gerecht Du fugest mer freyden gnungk Du bist woil myn gefug Du hilffest danczen vnd singen Jch wel myt der springen manchen frolichenen sprungk Dyaboli ones clamant Das was eyn gud fundt Et sic vigellator incipit vigellare et corinsat luciper cun maria magna 7 alij demones Maria magna d^{1}t Jch wel zieren mynen lipp Want ich byn eyn schones wypp Vnd wel auch gern reyen Mit paffen vnd myt leyen Dar vmb wel ich springenen Vnd eynt gut litgen singenen Quo finito cantat corizando sola Jch breytte mynen mantel yn die awe du begunde mich zu fragen myne frawe . wo ich szo lange were gewest . was wolde sie des . Sal ich mynes Jungen . libes nicht gewaldigk synen Wole mich wole mich der seligen stundt nach freyden wel ich reygen Freyde ist mynen herczen kunt Mit tanczen vnd myt spryngenen Wole mich wole mich der lieben zyt Dye blumlyn yn der auwe Der hot mich also grosszen nyt Die geselschafft kan mich erfrauwen Et tunc permus miles herodis descent de casto ad marian magna Galutando ean Et dicit Got grussze dich frewlyn zart du bist geborn von hoher art alles das da lebet Vnd yn den lufften swebet Das mocht mer nyt szo lieb gesynen als du vszerweltes frewlynen Maria anplexando militen dicit Danck habe her Jungelingk Js magk gut werden vwer dingk Want vwer redde kont er vorzelen wol Von recht man vch eren sail nu nemet hyn das krenczlyn Dar zu wel ich vwer eygen synen Vnd myt vch danczen vnd springenen Vnd myt vch frolichen singenen Maria vertit se ad ancilla 7 dicit Eya nu gib mer her den scheyben hut Der ist mer vor der sonnen gut Mer woln gehen vff die awenen Vnd woln da springen vnd vns da frawen ancilla sua dicit Gerne liebe frawe mynen was ir gebietet das sal synen Dissen hut solt er vff vwer^{1} heubt seczenen Vnd dar vnder gar wol ergeczenen Maria dicit ad seruun scet dyalun natyr Wo bist u knecht natyre Brenget mer dan spiegel gar schyre Seruus scet dyalus natyr offert ei specul-m et dicit nemet hen den spiegel frawe Dar yn sollet ir vwer schone schawenen Maria dit ad seruun scet dyabolun natyr alle hobscheyt hon ich von der lieber frunt vnd knecht natyre Des muß ich vmer weszen fro Want myn gemude heldes tu ho an der wel ich nyt vorzagenen Jch wel vmb dynt wyllen hoch gemude t^{2}genen Maria suspiciendo speculun dicit Myn frunt spiegel habe dangk Want myn hercz nymet manchen wangk Wan ich die schone klarheyt mynen Beschawe yn dynes glanczes schynen Et maria corizao cun milite 7 seruus dyalus natyr cun ancilla Ett cantat vt sup^{2} Jch breytte 7c Miles d^{1}t Frewlyn er sollet mer erlaupp gebenen Got losz vch myt freyden lange lebenen Maria reg^{2}ciando ei dicit Jch dancken der des danczes dynen Loib saget der das hercze mynen Miles reurtitur ad castrun suun Et maria incedeno Jubilanter canit vt Jch breytte pus hoc dicit So so her So was wolde ich der geselchin danczen vff eyn stro Der ist gereyde mude worden Jo Wer er men ich tede en allen also Post hoc martha obuiano ei dicit Maria liebe swester mynen Werlich ich focht sere dynen Das du vordyenes godes zorn Szo musses tu syn vmer vorlorn Das en host u gude gelessze Jch thu das ich dich heysze Vnd thu nyt also torlich Liebe swester bekere dich Vnd nyn an eyn gotlich lebenen Szo wel der got das ewige rich gebenen Du salt mer nu horen Maria dicit nu hore vmb die alde thoren kan sie nicht yr kibbeln gelan Jch wel myn freude han Sie magk es woil begebenen Jch wel hon eyn fryes lebenen Eya liebe swester Jch wen der treymet gesternen Das frage disse lude Was der traum betude loß mich an disser wysze farenen Kundest u dyn eygen sele vorwarenen Das gonde ich der von herczen woil Myn freyde ich doch triben sail Swester auch bidden ich dich sere want du dich wylt zu hymel keren Szo loß mich des entgelden nicht vnd steube mer yn die augen nyt Martha dicit ach maria das ye wordest geborn Du host dyn synne vorlornen Loß dissze vnwipplich mere Du host nicht gude gebere Dyn lipp ist torheyt vol Maria swester hores tu das woil Du host viel zu viel gethan Du magest nach wel abe lan liebe swester hore mer eyn wort Maria respondens Jch hon dich gnungk gehort loß dyn allen effen fort Luciper dicit nu hore auch mer maria Du salt myt mer bliben Wer wollen freyde trybenen Maria rent Das behaget mer viel wol Jch wel thun was ich sail Vnd springen aber eynen sprung Dyaboli respondent ones Das was eyn gut fund Martha dicit ach liebe swester bedenck dich noch Vnd loß der nyt syn nach der dorheyt goch Jch fochte eß neme eyn bosze ende Szo werden dich die tufeln alle schend^{1} Maria respondit vertendo se ad ppl-m et dicit Warte her warte Was wel myn swester marthe Er klaffen ist gar vmb nicht Wie cleyn gebenen ich dar vff icht Myn hercz ist myt freyden vormyst Jn viel lenger in disser frist Myt zieren vnd pryszen Vnd mynen bolen fruntschafft bewysenen Solde ich also eyn stulczes lebenen Vmb myner swester klaffen begebenen Mer woln mir dar zu raden Jch wel er schyer eyn bodenen Schigken der sie sere sail slan Wel sie mich nit mit freyddn lan Vnd losszen mich yn disser wysze farenen Kondest u dyn sele selber vorwarenen Das gonde ich der von hercze wol Myn freyde ich doch tribenen sail Martha dicit Maria swester mynen kere dich von den sunden dynen Vnd kere dich zu godes wort Szo magk dyn woil werden raytt Maria dicit Martha hettes tu synn vnd wyczenen Du hyssest dyn honer vbber^{1}

die eyer siczenen adder spynnest dynen rockenen Jch wel mich myt den Jungelynen zuckenen Solde ich dar vmb dynen wyllen losszenen Du peltenerzen ganck dynen strayssenen Vnd kastyge dynen lipp Want du bist eyn aldes wipp Du kirchenfistern ganck von mer Das radden ich sicher der ganck hen du bitter galle Vnd laß mich yn freyden schalle angeli canunt Silete hoc fcton ordinantur sessiones perdicacones 7 xpenc sedendo perdicat d{1}lis et marthe 7 magne poneno thema scet Dico vobis gaudiun est angelis dei super vno ptenore agente pnian{3} 7 d{1}t Jr seligen lude ir godes kynnt all die nu hie gesamet synt Vornemet heylsamen raydt Das er vmb vwer missetadt habet ruwe vnd leydt Das hymelrich ist vch bereydt Jch sagen vch auch vorware Das sich aller engel schare Frawet werdecliche Wan eyn sonder sich bekeren wel von sunden Dar vmb ich vch vorkundenen Das er myt ganczen truwen Vch losszet vwer sunde ruwenen hoc facto Sinagoga cantat cun Judeis Interin ihenus vadit ad aliun locun faciendo s-moe{3} marthe 7 magne poneno thena scet btin pauperes spenun 7 d{1}t Seligk synt die armen Want got wel sich erbamen Vber sie vnd wel en geben Das hymelrich vnd das ewige lebenen Die synt auch seligk anderwert Die hie halden myldikeyt Die das ertrich besiczen truerlich Die synt auch seligk ewiglich Der leben hie ist frolich Die sollen dort syn truerlich Vnd die synt godes kynde gnant Seligk synt sie auch erkant Der von herczen reyn ist sunder spot Der schauwet auch ewiglichen gott Die synt auch seligk sunder wan Die hie betrubet leben han Die da truren vnd weynen hie got wel selber trosten sye Seligk synt auch die godes kynt Die hie barmherczig synt Die sollen alle wolle geneszen Got wel en barmherczig weszenen Seligk synt aber alle dye Dye sich losszen tersten hye Vnd hongern nach gerechtikeyt Den wirt gnung bereyt Jr sijt seligk alle gar Wan vch die lude schare Begynet hassen hie dorch mich Do widder wel uch sicherlich Myn vart{1} da{1} yn lone gebenen Jn dem hymelrich das ewige lebenen Sermone fcton surgit ancilla marthe de loco perdicacoon{1} 7 clamat BENTus ventus q{2} te portauit 7 dicit Gebenediget ist der lyppe Vnd seligk gar vber alle wypp Der den herren hot getragenen Die Brust sal man seligk sagenen Die du herre host gesogen Vnd dich lypplich hand erzogenen Jhenus rent beati qui audiunt vm dei 7c Ja du host viel recht gehort Seligk synt die gottes wort horen vnd die behalden woil Mynes vatter rich en werden sail hic ih-us manet stare Maria magna 9urtitur recedens a xpeno et dicit cercunenuado circulun nu geseyne mich hude aller meynst Gott vatter sone vnd heilgeyst Owe rosenkreuz Owe myner swencz Owe gele gebende Owe myner wyszen hende Owe myner hoffart Owe das ye geborn wart nach ist myner sunde me Dan wasser tropfen yn dem sehe vnd laubes hot der walt Do zu des meres sant vngezalt nach men ist der sunde mynen Wan stern yn den hymel synen Jch byn nit wirdigk das ich gehen Das myn augen sollen sehen Die hohe von dem hymelrich Jch byn nit wirdigk das die trage mich Jch hon gesundiget leyder Woil hen ir vorfluchten kleyder Jr hot mich gar vorwont Vnd gesencket yn die helle grunt Vorfluchet muß der spiegel synen Da ich en besach die schone mynen Owe du vnreyne hare Du host mer gemachet die sunde gar{1} Woil hen er vorfluchten lock Jch wel nicht mene gehen als eyn tock Vorbaß wel ich nyt springenen nach buß wel ich rynngehenen myn hobscheyn wel ich lan Dar yn ich mich gepriset han Vorworffen syn augen vnd wengelynen Die dick wollen hobsche synen Myn sele hon sie gar vorwont Dar zu der vnseelige mont Vnd auch myn spyczen schoe vorworffen synt sie vmer nu wes ich nu myt vch gegangen han Des wel ich vorbas nu men lan We mer das ich ye wart gebornen Wie eyn torlich leben hat ich vszernkornen hoc facto chorus cantat vt sequitur Mirabantur onens de hys qen procedebant de ore dei Sub tali cantico maria magna mutat habitun et dicit marthe Swester marthe nu gleube mer Jch wel sicher volgen der Jch wel dit torecht lebenen Vff nach dym rade gebenen Jch sehen woil eß ist der selen toid Das her ih-us nu geboit Man solde myt ganczen truwen haben stede leyde vnd ruwenen Vns alle suntlich taid Das was syn lere vnd syn raid ach were mich nu entbunde Von mynen groissen sunde die ich arme honen gethanen Martha respondit Vnszer herre Jhenus crist Jo barmherczig ist Der vns zu trost wart gesant Von hymel herre ynen disse lant Zu dem ich hoffnung hanen Sicher gar an allen wan hie dut vns gnade kunt Vnd hilffet vns zu disser stund Das mer von sunden werdenen fry Vnd syn barmherczikeyt sij vns by Quo facto angeli canunt canticun aliqd{1} Et martha 7 maria magna recedunt Sed Jhesus manet in loco Interim venit regulus ad ihem et dicit her ihenus heilger geyst Myn sone yn groissen sichtagenen ist vnd zuget iczunt yn den toidt hilff em herre vß der noitt Magk eß myt dynen gnadenen weszen Szo hilff mer herre das myn kynt genesze Jhesus dicit Des glauben woldet er vor nicht an gehenen Jr hetten dan des zeychen vorgesehenen vnd wonderliche dinge stille Doch ich eß thun wille Regulus dicit ach herre kom balde he nabe E mer vorscheyde der habe Jch focht ee mer heyn komen Das kynt habe syn ende genomen Jhesus dicit nu ganck hen ich sage dir Js ist erfollet dyn begere Dyn sone lyget woil gesunt Des loib got zu aller stund Regulus dicit Gebenediget sij der gott Der da erzeuget syn gebott an vns armen luden hie Der do trostet alle die Dye syner wollen gern Die mag hie alle wol gewernen hoc facto regulus ad domun reurtitur angl-i canunt Silete Et seruus occurrit regulu in via et dicit Jch thun dir herre kunt dyn sone ist word{1} gesunt hie ist komen vß groisser noit Des gib mer herre das boden broitt Regulus dicit ad seruun Das synt gudde mere Die mer myn hercz erfrawet sere Sage an vff was stunde krich myn liebe sone besserung wilch zyt vorließ en die krankheyt Szo wel ich der gebenen dit kleyt das ist kustlich vnd gutt kom her mer woln nu haben gutten mud Vnd fynde ich die redde alszo Szo woln mer vns alle keren zu xpeno Et sic regulus cun seruo vadunt ad domun et filius dicit prin Bys wylkom du lieber vatter mynen Jch byn loiß von aller krankheyt vnd pynn Du en darffest vor mich nit sorgen Jch magk nu wol essen abent vnd morgen Vnd dryncken byer vnd wyne Des sij gelobet die konigynen Maria vnd myn arcz ihesus Ompenc noster deus Regulus dicit ad familia{3} sua{3} horet by myner koniglichenen gewalt Myn gesunde Jungk vnd alt Mer woln vns an ihem xpem keren Der kan vns lipp vnd sele ernerenen Vnd vorlencken des theufels vort men Szo wel vns got geben syn ewigk riche Regulus dicit seruo et dat ei palliun Se du lieber knecht nym das kleyt myt recht wer eß besser dan ander dry Js solde doch dyn synen Jch wel dich hyr nach bedencken baß Das sprechen ich sonder allen haß Want

du host mich erfrawet szo sere Dar vmb wel ich myn hulde nicht von dir keren Sinagoga cantat Jnterin martha mittit nunciu{3} ad xpm propter Infirmitaten lazari Et dicit s-uo Getruwer knecht nu ganck balde heue Zu dem herren ihenu vnd ladde enen Das hie wylle komen her Das bidden ich en von aller ger Seruus dicit marthe Gerne liebe frawe mynen Was er gebietet das sail synen Jch wel werbenen vwer botschafft Die wyl ich han mynes libes krafft Et tunc seruus vadit ad ihm 7 d{1}t Jhenus herre nu gleube mer Martha myn frawe entbudet dir ab ich recht hon vornumen Das du zu er willest komen Das wille sie dir vmer sagen dangk Lazarus ir brudder ist sere krank Jhesus rent cantando et manet ad huc in loco perdicacis hec Infirmitas non est vsque ad ad mortem 7 d{1}t Et subiungit et dicit ad seruun Der sichtun nicht entzuhet sich Zu dem tode sicherlich Wan das sich goddes ere an em szo wolle meren frunt myn bode gangk widder zu en Vnd spriche ir wille muß voln gehen Jch gereyde weyß das er ist toid Jch kome korczliche in ir noit Gangk heyn vnd sage en also Sie solle sich betruben Jo Mit den die betrubet synen auch sage er lieber frunt myn Sie solle sich frawen myt den frolichen dingen Vnd gehalten zu lebendigenen nuncius reurtens ad marthan dns ei Martha liebe mome mynen Dyt laß der gesaget synen Got sprichet du sollest nicht betrubet synen Vnd dich frauwen myt den frunden dyn auch han ich vornumen Von em das hie wolle komenen Vnd wille thun allen vweren wyllen Jn allen sachen vwer begere erfollenen Tunc mors venit ad lazarus 7 d{1}t Lazare ich byn gnant der toid Jch bracht dich yn groisse noit Vnd hon dich myt myner kullen geslagenen Das dich die wirm musszem nagenen nymant kan sich vor mer vorbergenen Der ye gewan das lebenen vff erdenen hie sij jungk adder alt Sijberlich adder vngestalt arm adder rich Sie müssen mer alle werd{1} glich Sie sijhen reszen adder reckenen Szo wel ich sie myt myner kullen ersrecken alle die do leben an zail Sie sihen babst keyser adder kardinal Bischoff phaffen vnd prelaten Die wel ich hauwen myt myner barten Fursten greffen vnd fryenen Der en kan mer keyner entpflyen Reuber ritte vnd knecht Die nemen ich alle myt rechte Jch wel sie myt myn boegen schyssen Das die wirm mogen irs fleysches genissen vnd wel en myt myner kullen Jagen das die kredden vnd slangen ir beyn nagen Die ebrecher vnd wucherer al hie gesessen Der wel ich mit nicht vorgessenen Want sie hot der dufel geladenen Das man sie vff syn kirchoff sal beg{2}ben Myt dem richen man yn der ewige pynen Müssen sie an ende vmer synen Et tunc Jmmete vertit se ad ppl-m 7 d{1}t alsus fellet vch des todes strigk Die worm vnd frunde hand vmb en eyn stryd Die boszen geist warten vff die sele sonder wan ab sie icht rechtes kunden an ir gehane Die frunde nement das gut vnd die mage Dye wirm vorzerent das fleysch yn den grabe Das ist vwer aller zuuorsicht nymant myt hoffart mer erwerbet Got hot dich gemacht vß dem slym der erden du salt auch widder zu eschen werd{1} Der doit macht alle dingk glich Sie sijhen arm adder rich Szo wel ich sie myt myner kullen schlagen Das man sie muß zun kirchoff t{2}genen Jch wel sie schyssen myt mynen bogen Sie sijhen frunde adder moge Jch wel nymant schonen Jch wel en myt disser kullen lonenen als ich lazaro han gethaynen Des sijt gewyß an allen wanen Et tunc lazarus sepelitur a iudeis Et maria magna plangendo dicit ach wo sal ich mich hen keren Jch byn betrubet szo sere Myn brudder lazarus ist beg{2}ben Dar vmb magk ich mich wol vbel gehaltenen Martha dicit ad maria{3} magna sororen 7 dicit Maria liebe swester mynen Laß magna dyn weynen synen Vnd betrube dich nicht also sere Want vnszer schepper vnd herre Der wel zu vnß kommen herre Vnd erfollen alle vnser{1} begere Maria magna dicit ach gott solde ich mich nit muwen Vnd vmb vnsern lieben brudder betruben Mer ist also leyt zu synne Jch en magk keynen brudder men gewynenn Der sich moge geglichenen Lazaro vnserm brudder yn sym rich ye doch qwem myn schepper vnd myn herre Zu gangen wer alle myn swere Maria magna manet stare et ihenus disponit se ac si velit ire et cantat lazarus amicitera9 nren dormit eanus 7 a sono suscitenus eun DeJnde dicit ad discipulos Jr herren ich sagen vch vorwar Vnszer frunt lazarus slefet zware Des gehen mer gen bethanien hen Das mer von dem tode wecken enen Jacobus minor dicit Sleffet hie szo weyß ich woil Das hie ye geneszen soil Thateus dicit Jhesu So gehen mer frolichen dar Do weyst dach woil der Judden schar{1} hetten yn erem mude gemeynet Sie wilden dich da han gesteynet Ye doch in disser selben noit Myt lazaro sollen mer bliben doit Sinagoga cantat Jhenus Jntrin cun d{1}lis vadit ad marthan Tunc martha occurrit ih-u in via 7 d{1}t Bys wylkom vnszer heylant Jch habe dir zu spode eyn boden gesant Werest u by vns gewesen Szo mochte nu vns wol geneszen Der ist nu leyder toidt Dar vmb mer lyden groysse noit Das wyssen mer dach sicherlich wes tu dynen vatter biddest ernstlich Das hie dich herre des geweret Was mer von dir hon begert Jhenus dicit Martha resurget frater tuus Et subiungit Martha ich sagen der das vorwar Dyn brudder sail vff stehen zwar Martha dicit herre myn das weyß ich woil Das myn brudder erschehen sail an dem Jungstenen dage Dar vff darff mer nymants sagenen Jhuns cantat Ego sum resurectio et vita q{2} credit in me ecian si mortuus fuerit uiuet et onis qui uiuit 7 cerdit in me non morietur in eternun DeJnde dicit rigmun Jch byn das ewige leben Jch magk vfferstehen geben Wer an mich gleuben kan Wer er eyn toder man hie wirt widder lebendig schyer Martha wilt u des gleuben mer Tunc martha cetera2t pro sorore 7 dicit Kom her swester endelich myn her ihenus heyschet dich Maria magna vadit ad ihm 7 dicit Bys wylkom herre mynen Vnd loß dir auch geklaget synen vnszer zweyer groysse noit Das lazarus vnszer brudder ist toid Jhenus dicit nu wol an gehen mer hen Da ir hot begrabenen en Martha dicit ad ihm Liebe herre was wilt u dar hie hot vier tage alle gar Gelegen als eyn toder sail Er stincket sere das weyß ich woil Jhenus dicit Doch loszt vns syn grab sehen ab got eyn wonder ließ gescheen Sinagoga cantat hic vadunt pariter ad sepulchrun 7 Jhenus lacermatur Prinus Judeus scet Rupin d{1}t Sehet wie lieb hie en hot Das hie dorch syn liebe gait weynende also sere Doch wondert mich nach mere Das hie en nicht gewert Vnd von dem tode ernerte Das were also woil geschene als hie die blynden macht sehen Jhenus dicit Dissen steyn rucket ab Szo mogen mer komen zu dem grabe lapide depoto ihenus clamat Lazare veni foras Et dicit Frunt lazare kome nu her fore Das man die groysse spore Die got an dich geleget hot Stant vff vnd loß schauwen godes rait Lazarus erigens et progrediens De sepulchro dicit Gebenediget sij der gott Der vnsz hilffet vß aller

noitt Der hie erzeyget synen gebott Woil vier tage was ich doitt Szo lebe ich als eyn ander nu Jr lieben lude sehet hie al zu hys dict{1} Lazarus induit se vestibus d{1}ns Reychet mer her myn gewant Das wel ich widder an thun zu hant Vnd wel mich widder heyn zu huß kerenen Vnd gott von hymelrich eren Et sic vadunt cun eo ih-us et d{1}li Et Intrans domun marthe Jbi symon leprosus parat mensam Tunc mors venit 7 dicit Lazaro Sage mer du dodere man Wie darffest u also hie vor den luden gan Jch hat dich mit mynen kulen geslagen Das dich die wirm sollen nagen Wer hot dir widder gegebenen das lebenen Das salt u mich bescheydenen gar ebenen Lazarus rent Das hot der almechtige got von hymelrich Von dem tode erwecket szo krefflich myt synen groissen gnadenen Vnd auch myt synen geboddenen Want die wirm mich hetten gessen Vnd was yn vier tagen werd zu eschenen Vnd hot myn sele voreyniget yn den corpere Das wel ich em vmer sagen loib vnd ere Jhesus dicit Lazarus du bist toid gewesen nu bist u von dem her neszen Jß sij den Judden lieb adder leyt Szo byß alle zyt dar zu bereyt Das du lobest den Der dich von dem tode hot heissen vff stehen Vnd salt myns vatter pryß Stercken yn mancher hande wyß Js sij den iudd{1} lieb adder leyt So salt u dar zu alwege synen bereyt Lazarus dicit Gerne lieber herre mynen Jch wel nach manchfeldigen den namen dyn Bys gelobet herre vatter vnd gott Gerne halden ich dyn gebott Jch danck dir der barmherzikeyt Die du an mich host geleyt Du ware godes sone eyn konig rich hude erbarm dich vbber mich Das ich dyn hulde erwerbe Ee dan ich anderwert sterbe Er ich kiesze widder den toid hilff mich lieber vß aller noit Vorbaß wel ich dyn Junger synen Die wyl ich hon das leben mynen Tunc Sinagoga cantat et dicit lazaro demonstrando ihem ach alle vnszer eren Vnszer gesece wel sich nu bekeren Synt das der vngestalte man Die toden heyschet vff stan ach alle vnszer ere Wie gar vorterbet vns der terogener hyr vff er Judden stellet alle vwer synne Wollen mer nyt eyns andern begyne Szo ist vnsze gesece vornichtiget Das sijt alle von mer berichtet ach nu horet aller ir Judden kynt Jch werd{1} taube vnd blynt Jch en wel moises buch nume lesen Synt das das magk gewesen Das die toden mogen erstan als mer das alle gesehen hon Das der vngestalt man ihenus Vns hot betrogen alsus Das sal vns vmer weszen leyt hie machet synen glaubet also breyt Sturen mer em nicht zu disser zyt Das die romer eren nyt Vnd eren haß vff vns leyn Szo wirt vns ee gar vnreyn Vnd vns Juddische gesece Vorsteret vnd vorlecet Das sail vns bilch alle vordryssen Vor leyde wil ich wol myn kleyt zu ryssen Wer nu vns dar yn wolde raden Den wulden mer alle loben Tunc Judeus senex et decrepitis noien gunprecht dicit ad sinagogan Meynster raby hoch vnd gut Jch hon dick geleszen den thalmut Da stehet yn geschribben also asserere habuch Jericho Euffha hierichy phe man also ich das habe vorstan Von iericho ist hie seligk gebornen Der zu keyner zyt synen zorn Vor syne ere lat gan horet fort rabi woil gethaynen Dar zu fyndet man yn der propheten bescheyt Das sprech ich vff myn Juddischeyt Vff abrahans also geschribbenen aleph ziduth pephe ofmenen her vff rabi sprech die glosen Das nymant vff icht solle koszen hie en hore dan wie die sach eyn ende hait Wer nicht thut an rayd Der darff hinden nach keyn ruwe han hyer vmb raby woil gethaynen En sollet er vch vorheyssen des Er en wollet nyt halden moyses geleyß Wo es ende wolle nemen hie mocht sich des woil schemen wie disser trogener hot volnendet disse schicht Des en weyß ich vff myne Juddischeyt nicht Jch byn ye eyn alter man Solches wonders ich nye men vorname Mer Judden woln vch ye by bestanen Vnd woln des mit nichte lan Vnd myt em haben vff das lest vnszern wyllen Szo woln mer en woil stillen Das hie solches nit men thut als hie an lazaro begangen hoit Dar vmb leszet vns moyses buch Lieber raby zodebruch zodebruch rabi vnd meynster woil gethayn leszet vns das buch vnd hebet vns anen Et tunc Judei habeant sibi librum moysi Et sinagoga incipit legere Librum moysi scet talmut hoc facto ihenus dicit ad discipulos suos Frunde myn eß ist zyt Die Judden han eren nyt Szo grymiglichen vff mich geleyt Lieben Jungern sijt bereyt mer woln gen Jerusalem ziehen Vnd loiben den vatter mynen Petrus dicit herre meynster woil gethaynen woln mer zu iherusalem gan Das en ist nicht myn raid Jerusalem ist eyn srelich staid nu wysset ir doch meynster woil gethayn Das sie dich gesteynet wolden hon Jhesus dicit ad petrum Petrus frunt vnd bode mynen Dijt en magk anders nyt gesyn Mer woln zu Jericho zu Das ich dir sage das ist also Das steynen loiß dich nyt wonderen Jo der dagk hot zwelf stundenen nu vorstant yn disser zyt Die eyn stunde die ander hot nyt Die zyt en ist alle nit glich horet vnd vornemet mich wer gehen geyn ihrem yn die stad als myn vatter gebodden haid Et sic manebit ihenus in loco Judei autem redeunt ad castra sua 7 confirmunt 9silium aduersus ihem Chorus cantat Colligerent tunc Judei sil- cantant quid facinus Chorus vnus autem Caiphas canit Solus In castro Expedit vobis Chorus ab illo quo die 7c Dejen annas 7 cayphas vadunt ad synagogan Dauid Judeus dicit Jr herren nu fyndet eyn raid Gen disse wynderliche dait Es ist als mer hon vornumen Eyn man von nazareth komen Von nazareth yn galilee Der vorkeret vnszer ee hie nenet vffenbar sich Gottes son von hymelrich Jo von hymel godes sone Grossz wonder kan hie gethun hie heyset die toden vff stan hie machet die lamen alle gan Die sichen macht hie alle gesunt Den stumen thut er vff den mont hie machet die blynden alle sehen Das sie an en glauben iehen Hye reyniget die maledigen Hyr vmb sollet ir raden myt flyß sehet wol her zu wie man zu dissen dingen thu Die lude em alle volgen nahe Dar vmb sal vns weszen iahe wie mer dissen dingen widerstehenn Es mocht vns anders vbel gehen vnd losszen mer en das volck vorkerenen myr syner falschen lere Die vmer mochten kumen here alle glich yn der begere wie sie dijt lant an sich geziehenen Szo musten mer von hynnen fliehen Das radet wie man das bewar Michel groß ist gereyde die schar Die dem trogener nach gan Gebe rait alle iudden woil gethaynen Achior Judeus dicit O du herre cayphas wie machen mer nu das hoc facto cayphas pontifex Judeorum ani illius cantat Expedit vobis 7c et dicit Des horet was ich vch sagen sail Jß fuget vnd bekomet vns woil Vnd ist viel besser sicherlich Das der der do so bereymet sich Vor vns alle sterbe Kirsan iudeus dicit horet auch ir herren mynen raid Der gar wole zu gude gaid ab eß vch alle duncket gut also es mich yn truwen thut Das man ihem fahe Vnd an eyn cruz hange Szo schone vor disser hochzyt Die hie szo nahe lyt Das sich von dem volck icht hebe Eyn mormely vnd eyn groß getrebe Langwent Judeus dicit Sehet das ist gar eyn nucz raid wan die hochzeyt

ergait Szo wirt hie vns mit lichtikeyt Vnd das sij eyn gestabet eyd Das eß stede solle weszenen Das mer syn nicht losszen genessenenen hoc 9pleto Statin ihenus dicit d{1}lis suis Ecce ascendinus iherosoliman et ten sper manent in eod{1} loco et d{1}t Jch sagen vch allen vffenenbar Das er viel recht nemet war Mer sollen zu Jerusalem gan Des mentschen kynt sail man da fahenen Die fursten vnd die gefeytenen Lan strycken en myt gurten Sie vordeylen em syn lebenen Dem volck wirt hie dan gegebenen Zu spot vnd auch zu smacheyt Eyn crucz wirt em bereyt Da sal hie an lyden den toid wan hie lidet disse noid Vnd der dritte tagk vorgehet Vonem dem tode hie vff stehet Dyt han ich vch gesaget vor wan er komet an die spore Da dit dingk also ergait Das er dan festen glauben habt aandreus dicit ad ihenum Was wilt u lieber herre dar Du bist doch worden woil gewar Das sie nach dym libe stan Vnd alle dage zu raide gan wie sie herre erwinen dich Die Judden alle degelich Trachten vnd sichen raid Die der herre an dynen lebenen gat Jhesus rent Ja nu wysset er doch woil Das xpenc ye doch sterben sail Suß muß hie yn sin rich komen Das hoit er doch lange woil vornumenen hoc facto ihenus aporinquans iherosolim{1} mittit philippun 7 petrun pro azion Chorus canit Cun aporinquaret 7c Jhenus canit Jte in castellun et dicit horet wes hon ich begert gehet hen gen der stede wert Die dort vor vch gelegen ist Do findet er yn der frist Eynen esel gebundenen Den loszet yn den stundenen Vnd brenget en vort here Vnd erfollet mynen begere horet er werdet vorbericht wer vch fraget vmb dissze geschicht Dem saget vnd des nit en lat Des esels sij dem herre noit Ziehet hen vnd loszet vff das thyer Vnd brenget mer das her gar schyer Philippus dicit Das thun mer herre vnd got Mer sollen leysten dyn gebott want vns die dinge nicht vorfelet Mer thun gern was du wilt Mer gehen gen der stat wert glicher wyß also du host begert angeli canunt Et sic vadunt et soluunt azinun Chorus canit Soluentes Jnterin ducent azim ad item et mane

F210-001r,04 bit ihenus in eodem loco donec Judei occurrent ej . Tunc quetus Judeus scet bifus dicit in loco suo scet ilrem nu horet er herren was ich vch sage Jch was nu an eyn tage Da ihens groß zeichen thed Zu bethanien yn der stad Er hieß von den tode vff stan Lazarun eynen toden man Vnd ließ en widder geneszenen Das mocht von nicht gewesen Dan von den waren godes degenen hie hat yn der selben erden gelegen Wol vier ganczer tage Vorwar ich vch das sage Jch gleub an en do ich dit sach want mer myn synen das vorware sprach Das hie ist der ware crist Der zu vns armen komen ist Den wer heysen messias Jch hon auch gehoret das Das hie kurzlich wol her komen Dorch vnszer aller sele fromen Dar vmb sollen mer nicht beyden Mer sollen vns dar zu bereyden Vnd gehen em entgegen myt gefange Mer soln auch sym gange Myt palmen zeren vnd gewant Szo wirt vns gnade vom em bekant Quintus Judeus scet Lendikile dicit Vorwar er herren ich sagen vch das hie ist der war messias Jch wel vch das vorware Jehen hie macht eyn blynden sehen Der do blynt wart geborn got hot en zu eyn sone vszerkorn wer hot das ye vornumen Dar vff sollen mer em entgegen komen Myt gesang vnd groissen erenen Vnd sollen syn loib merenen Sextus Judeus scet Efficax dicit Mer synt zeichen vom em kunt Vsszeige lude machet hie gesunt Dar vmb soln mer nit lan Mer soln em entgegen gan Septimus Borey dicit Vorwar er herre eß duncket mich gut Mer seczen dar vff vnszeren mut wie mer en geeren vnd syn loib gemeren Das hon ich besonnen gar mer soln machen dry schar Die Jrsten tragen palmen yn der hant Die anderen strauwen er gewant Vor deß heylandes fuß Die dritte schar die grussze an syme yn gange myt loiblichen gesange Tunc ihenus eqentat ad iudeos sedens super azinun d{1}lis euntibus et cun hoc Chorus cantat cun audisset vsque ad illun hic est vt in die palmarun post hoc vnus Judeorun canit prim hic est alius 2m etus quantus est 7c hic est qui venturus est in saluten ppl-i hic est salus nran et redenpcio isrl- Quantus est iste cui throni 7 denacones occurrent Chorus cantat noli timere filia 7c si placet Dejen octauus Judeus dicit scet sauel cun vestimento Jch gruß dich konig ihenu crist Jn godes namen du komen bist Mach vns armen lude groß dyner barmherczikeit groß Des bidden wer dich dauidis kynt Mer armen syn an den synnen blynt von vnszer grosszen boszheyt Dar vmb werffen ich hude myn kleyt vor dyn edel fuß Do mydde ich dich herre gruß Et sic projicit vestes in via 7 alij cun eo post hoc nonus Judeus scet gugulus dicit Jch gruß dich vatter got gnant her sabbaoth Jn godes namen bist u komen vns armen Judden zu fromen Gebenediget sij vns vatter dauidis rich wir bidden dich herre alle glich Das du dich wildest erbarmenen vbber vns elendigen armen Dar vmb woln hie mer Den weg myt palmen zeren dir Et sic turba projicit palmas Decinus Judeus scet Snoppenkeyle d{1}t Du bist herre der zukunfftigk ist Der wernde heyle zu aller frist Du bist eyn herloszer vnszer sele vnd des volckes zu israhel Du bist auch der scheppere Dem alle engel entbiedenene ere Von syon er dochter sehet ir das hie komet der konig an haß gesesszen vff eyn eszelynen als vns das ist worden schynen Got groß dich schepper vbber land Erlöse vns von der helle bant Chorus canit Gloria laus pus hoc mabug dicit Loib vnd ere sij der hude Du machest gesunt alle gebrechlich lude Douwen lamen vnd blynden hore wie mer zu loibe syngenene Eym konig goddes sone gib vns dyn rich zu lone Das mer nicht vorterben Jn sunden vff disser erdenen Das helff vns geweldig got magne deus sabbaoth holderlin pus canticun Cui puerile d{1}t O vatter yn der ewigekeyt nu merck wie die Juddischeyt Groß ere an dich geleyt hon Sich wie gar Jrlich sie dich entphan Myt gesang aller Judden kynt Erkennen als eyn geweldig konigk vnd koment dir alle entgegenen Du weyst wol wie sie es meyn Myt palmen blomen vnd kleynheyt Sie ruffen auch benedictera9 qui venit Osanna mach vns gewyssh Dyner freyde jn excelsis Petrus dicit xpeno Gelobet sijst u herre ihenu crist Want dissze wernt nu gleubig ist Die dir gehet entgegen herre hilpp lieber herre vß node ir Vndecinus iudeus scet natey dicit heß swygen her die Jungern dynen vnd sprich das sie stille synen Das zemet woil zu disser stundt Das thu en herre meynster kundt Jhuns dicit Jst es das da swygent die Jungern myn Szo werden die steyne vff kyne Die da vff erden Jrge synen vnd vorkundigent die ere des vatters myn Chorus canit Jngrediente dnun 7c Jhuns ingrediens ciuitaten dicit Jhrl-m du gamerst mich Das do szo gemerlich Zu storet wirst vnd zubrochen vnd dijt wirdet an der gerochenen wysszes tu das also wol als ich Du weynest mit mer sicherlich Saluator

vadit ad tenplu{3} in qo invenit ementes 7 vendentes 7 facit flagellan De sona cun q{2} percinctus est 7 dicit ad d{1}los suos ante tenplu{3} Eyn kleyn wile sollet er hie beyddenen Das ich die Judden moge bescheydenen Das sie yn mynes vatter huß nit soln bliben Die kauffmans schacz dar yn tribenen Saluator veniens ad tenplu{3} invenit ibi ementes 7 vendentes 7 numularios sedentes qorun mensas suburtit et ones eijcit de tenplo 7 dicit eis Draget dijt alles her vß want dijt ist yn mynes vatters huß Sal man keynen kauffmans schacz triben Beluß vwer keyner sal hie yn blibenen Et percutit eos cun flagella Tunc ones dabunt fugan Sinagoga dicit Was zeiches gibbes tu vns hie midde Das du straffest vnser alde sidde Saluator manens solus in tenplo dicit Soluite tenplun hoc subiungens Dissen tenpel moget er zu brechenen Szo wel ich das yn warheyt sprechenen Das ich en mit gotlichen sachenen Jn dryen tagen wylde widdermachenen Sinagoga dicit Man buwet an dissem rum6 Jare vnd du meynest dyn redde solle wesszen ware vnd wollest das enden yn dryen tagen wie kundest u dar an ware gesagenen Saluator dicit hat er dan myn redde vornumen Die worheit vch hyr nach wirt komen vnd werdet bedencken yn kurczer frist Das vch die warheyt gesaget ist Sinagoga cun iudeis modicun recet a tenplo dicens eis Jr herren nu hat er wol vornumen wie ihenus myt redder an vns ist komen vnd vffenberlich hot gesprochenen wan der tempel werde zu brochen he wulde den yn dryen tagen widder machenen mer mogen woil der alwysze lachen nu gebet vwer getruwen raid Vwer iglicher wer der Jn em hoid ab mer en konden baß ersnellen nu raddet zu ir lieben gesellenen Friddel Judeus dicit Jch han erfaren yn disser wochen Eyn fraw hot ir e gebrochen Die brengen mer vor her ihenus Den rechten phariseus Vnd fregen en viel balde wie mer eß myt der frawen solden hald{1} Bewyszet hie an ir barmherzikeyt Szo straußet hie das gesecz der gerechtheit gebet hie aber yn den roid die frawen Dar an magk man syn torheyd schawen Das hie perdiget die barmherzikeyt Vnd widderspricht das selber an vnderscheyt Sinagoga dicit Friddel du hoist ey gudde pyffenen Wie hie sprichet da midde wer en begriffenen Breng her die fraw yn den tempel hie muß nu drincken des suern grenpell Et sic accipiunt mulieren adulteran 7 ducunt ean ad saluatorem in tenplun Sinagoga dicit ad ihun Meynster gib vns dynen raid viel balde wie mer es myt disser frawen solden hald{1} Die selbe yn disser wochen hot ir ee gebrochen Moyses hot vns beschribben gegebenen Mer sollen er keyn loszen lebenen was dich im duncket geradden synen Das sage vns lieber meynster mynen Saluator dicit Wilch vwer an sunde sij vnd lebe Der sail ir den irsten steynwurff geben Saluator inclinans se ad teran scribens iudei ones dabunt fugan nihil respondentes Saluator d{1}t ad mul-ere{3} Fraw wie host u nu gedocht war synt die komen die dich her hand bracht hot dich auch ymant yn den toid gegeben Mulier adultera rent neyn herre ich han nach das lebenen Saluator dicit Jch wel auch nit vordymen dich Des vorlaß dich vff mich sicherlich ganck vnd thu auch nit men sunde vff erd{1} So sail der nach gegeben werdenen Das leben yn der ewigkeyt Ruwen dich dyn sunde vnd synt der leyt Tunc sinagoga cantat Interin symon leprosus perparat mensa{3} ad invitand{1} xpem Et transit ad xpem dicens herre meynster ihenus Myt mer salt u gehen zu huß Du salt essen da mit mer Des salt u herre mich gewerrenen Want ich myt truwen von dier gern Saluator dicit Frunt symon wes tu host begert Des salt u recht syn gewert Jch wel zu dym tisch kumenen Recht als ich hon vornumen nu gangk du vor szo volgen meer Das mer ersollen dyn begere Jhuns cun d{1}lis suis vadunt cun eo et cun peruenerint ad mensa{3} domun symonis Symon dicit inclinando ad eun Byß wilkom dauidis sone Du host mer nu liebe gethayn Sijt wilkom er andern Die mit ihun plegen zu wandern Die do Junger sint des hern Sijt alle wylkomen mer Seczet vch nidder myn lieben gest Jch wel vch thun das beste Et sic ponunt se ad mensam prandendo prandio facto tunc venit maria magna cun vngento et cantat Viel sandes hot des meres grunt nach men hon ich dan turent stund widder got missethayn Owe das ich das leben han Chorus canit Jhun nrena redenpcio 7c vnun versu{3} pus hoc maeria magna dicit Jch klage der ihuns herre Myt myner ganzzen begerre Das ich viel vnseeliges wypp habe eynen sundigen lipp hoffart han viel gethayn Die wyl ich gelebet han Myt Worten vnd auch gyrikeyt Myt zorn vnd myt ytelkeyt Vnkeusch byn ich gewesenenen Des en kan ich nyt wol geneszenen Des bidden ich dich herre yniglich Das du wyllest begnadenen mich Vnd gebbest mer heylsamen troist Das ich von mynen sunden werde erlost Et sic accedit ad pedes ihun Chorus canit accessit ad pedes 7c Sub isto cantico maria magna lauau pedes ihun 7 terguit capillis suis 7 vngit eun et postea dicit O herre vatter ihun crist Wie gar eyn mylde herre du bist Zu vorgeben die sunde allen mentschen ich kunde Die da gnade an deer sichen Den gibbes tu her myldiglichen Du hoist here bewyszet an mer Des wel ich vmer dancken der Want ich arme was gar vorlornen Do ich dich heylant hat vßerkorn Do was dyn barmherzikeyt Mer armen sunderyn bereyt alsoz wirt sie aller wernde gemeyn Die sunde sij groiß adder kleyn hot der mentsche ruw dar vor Sie wilt u sie em herre vorgebben gar hoc facto Symon phariseus d{1}t Czar eynes dinges wondert mich Jn mynen herzen sicherlich werre eyn prophete disser man alsoz hie sich bewyszen kan Er wuste wer disse frawe wer Von der man saget soliche mere Das sie eyn sunderyn ist Die en roret zu disser frist Jhuns dicit symon habeo tibi aliquid dicere Jß was eyn rechter wucherer Der hat zwen schulder Der eyn solde em funffzig penige Der ander funffzigk schillinge Do er ließ er sie der schulde Vnd gab en beyden syn hulde nu salt u mich des bescheyden wilcher dancket bilcher vnder den beydenen Simon dicit Meynster dem hie mehe lesset fare Der dancket em bilcher zware Jhenus dicit recte Judicasti 7 d{1}t Symon yn dissen stundenen host u eyn recht orteyl funden Wissze der mentsche sunde frucht han mich vff disse erden bracht Dorch eren wyllen qwame ich here auch sist u disser frawen ger Wie sie er sunde kan geklagenen Myn fuß hot sie mer gezwagenen Myt eren treuen vorware Sie drucket sie myt eren hare Myt gutter salben sie mich begoß Myn heubet des sie nyt vordrosz Dar vmb wirt sie erhoret Vnd wirt yn mynes vatters huß gefort Judas clamat vt quid perdisio hc Et omes appl-i si placet Et Judas dicit Sehete was thut noit disser vorlust Disse salbe hot szo viel gekost Man het disse salbe wol vorkauft als nu ist der wernde laufft Man het golt da midde gelost Vnd arme lude da midde getrost Jhuns rent Quid molesti estis huic mulieri et dicit Jr herren saget vnb was Draget er der

frawen haß Gude werck hot sie gethayn Jr moget arme lude hayn Zu allen zyden wan er wylt nicht lange er mich haben
 solt Jhens dicit maerie magne Stant vff maria selick wypp nicht vorsundige dynen lypp habe vorbaß eyn reyn lebenen
 Dyn sunde synt der vorgebbenen nu ganck vnd habe gutten mud Vnd dyne gode das ist der gud Discipuli canut Dimissa
 sunt ei pcenta multa 7c Philippus dit O du armer sunder hie sich an Was dyn scheppere habe gethanen Magdalenen dem
 sundigen wybe Myt erem hoffertlichem lybe hot sie wol sunde gethaynen Die hot ir gott alle vorlan groisse sunde synt er
 vorgebben Want sie hot lieb gehabt an eren leben Jnen der zyt der barmherzikeyt Sie hat gesundiget das was ir leyt Sie
 hat sich hude zu den arcz gekart Vnd ist geneszen vff disser fart Wer der arcz nyt hye gewesenzen Szo en were magna nicht
 genessen Wer hude vff disser erden Gesunt wel werden Der sail an dit exenpel sehenen Wie madalenen ist gescheenen Sie
 soln auch leyt vnd ruw han Szo wel en gott alle er sunde vorlan Maria magna dicit Jch hon versucht der wernde rich Vnd
 eren gesmock siberlich Vmb die liebe mynes herren Der mer die sele magk ernerenen Der mer den lipp hot gegebenen
 Dem byn ich nu worden ebenen Jch hat en lieb vnd han en gesehen Des ist mer eyn groisszes heyl von em gescheen an
 en hon ich geglaubet ganz Das hie sij der sonnen glanz Von dem Joh-es spricht vorware Got ist eyn licht clare Vnd
 ist vns zu troiste gesant Von sym vatter dem heylant Die sunder alle zu erluchten gar hyr vmb wer do wulde war Syner
 sunde werd{1} ledigk yn der zyt Der mercke den synne der da lyt Do got spricht yn der warheyt Vnd die schrifft vß leyt
 Des sunders toid ich nicht begere Sunder das hie sich bekere hyr vmb keret vch vmb Szo werdet er syn ynen Das mercket
 alle by myner geschicht Das er von mer hot gesehen Das muß vch auch allen gescheen Des helff vch der vatter vnd der
 sone Vnd der mer disse gnade hot gethayn Maria recedit et incipit caner regnum mundi 7c chorus 9tinuabit post hoc dicit
 Woil mich das ich tragen das lebenen Groissze sunde hot mer vorgebbenen myn liebe herre ihuns crist Der gottes sone
 von hymel ist alle die an dem wege stan Die sollen mynen frunt entphan Jch was eyn verloren wipp an sele vnd an lipp
 Jch hot mich sere vorgessen Sieben tufel hatten mich besessenzen nu ist myner lieber her ihenus xc komen Vnd hat da
 von genomen Jch was gar eyn sundiges vaß nu ist mer wordenen baß also muß vch got helffen allen glich Beyde arm vnd
 rich Tunc lucifer dicit plangendo ad marian magdalenam O maria magedalene Wie werest u yn mynen augen szo schone
 Do werest myn faß der vnreynikeyt Das vol was aller boßheyt nu hoist u mich szo gar vorlayssenzen Das thut mer we vnd
 allen mynen gnossen Jn dich woren geplanczet die sieben heubt sunde Da von hot dich geloszet ihuns der swynde Myt
 synen falschen listen Jch rech es an der yn kurzen fristen Mer brengen yn nach in groisse noitt hie mocht lieber kieszen
 den toidt O sathanas dar vff laß vns dencken Wie mer en myt er krenckenzen Et recedit Tunc xpenus recedit a symone et
 dicit Symon dich muß got bewarenen Vmb das mer woil han gefarenen Des habe ewiglichen lone Vor woil lieber symon
 Et xpeno modicum recedente Conclusio prime diei proclamator dit allen den die hie gewest synt Den danck das hymelsche
 heilge kynt Das szo vnschuldiglichen wart ermort nu swiget vnd horet vort hie musszen mer dijt spele lassen bestan Zu
 der kirchen sollen mer alle ganen Vnd got danckendie synen Syner grossen martel vnd pynen also byß morn fro Got
 gebe vns gut widder dar zu Szo woln mer vorter an spielenen auch vorter vorzelen Von der martel gottes Was em die
 Judden toden quodes Vnd wie die noit sij an em gescheen Das solt er vorbaß sehen Vnd wie die reyne maria die mutter
 synen auch hot gelidden groissze pyn Von syner martel swere gehet heyn vnd komet morn widder here hic Incipit Scdan
 dies passionis primo angeli canunt post hoc proclamatur d{1}t horet alle vnd wesszet stille vmb des ewigen goddes wyllen
 Der groß wonder hot gethayn als mer beschribben fynden stan was hie vff erden begangen hoid Der vatter der sone des
 obersten raid was mer fynden beschribbenen Das hie hot getribben Das ist sicher an ziel Wonders hot hie gewibben viel
 hymel vnd erden fuer lufft hot hie lan werden Son vnd mon hot hie geschaffen Vnd dar zu wyße phaffenzen also das die
 schrifft thut bekant alle dinge hot hie geant Wasszer flodet vnd flusszet Vnd was vß der erdenen spruszet Was wasser vnd
 die erde treyt alles hat gott bereytt was da kruchet adder gehet Vnd alles das vff erden stehet Jß sijhe groß adder kleynen
 Das hot gott alleyn Myt syner gotlichen hant als geschaffen vnd geant Er hot gemacht eyenen man Der was geheyszen
 adam auch hat er em zu liebe Geschaffen zu eyenen wibe Eyn wonder schone frawen Dye meynte gott myt truwen hyr vmb
 macht er en vnderthan Was hymel vnd erde besloissenzen han Fische vogel vnd ander thier Die dynetten en beyde schyer
 Was ye gewart vff erden Das muste en vnderthan werden Des worden sie beyde woil gezucht alleyn des paradises frucht
 Vorboit en goit alleyn Das sie hildenen gar kleyne Szo das gebot wart gebrochenzen Das wart an ene wol gerochenzen als
 wer fynden beschribbenen Vß dem proadyß worden sie getribbenen Sie worn gefallen yn godes zorn Ewiglichen wern
 sie vorlorn Vmb des vngehorsams wyllenzen Das sie yn die sunde fillen Eedoch sach an der milde gott Das en gab die
 slange den rayt Vnd hat sie beyde betrogen also Das erbamet en sicher Jo Vnd wart geborn vff erden Von marien der
 werden Solde adam komen vß der noit Got muste sterben an der mentscheyt doit Wie em der toit wart an gethayn Das
 woln mer vch sehen vnd horen lan hyr vmb stillet vvern mont Szo woln mer vch hie machen kunt Vnd wollen vch alle
 lassen sehen Was ihun vmb vnser sunde sij gescheen auch sollet ir das beweynen Jr groissen vnd er kleynen Vwer hercz
 sollet er vff slyssenzen Vnd vmb ihuns lyden trene gyssenzen Swiget ir sollet vorhene sehenen Was heyles dem blynden
 ist gescheen Vnd wer mit tufel besessenzen ist Den magk entbynden deer heilge crist auch was er mer hoch gethan wie er
 lazarun hot heyssen vff stan Vnd marian magnan bekart Das mercket alle vff disser fart Vnd nemet do by war Wie der
 boszen Judden schar vff ihem trugen groissen nyt Swiget alle yn disser zyt Vnd beweynet ihens lyden Szo wel vch got
 selbers schribenen Vnd ladenen ewiglichenzen Jn synes vatter riche Hoc facto dicit matheus appl-us Saluatori Dene vbi vis
 para{1}en tibi pascha 7 dicit here wilt u sagen mer Wo wilt u das mer machen dir Dyn ostern nach der e Wo wilt u das
 man das bege Jhesus dicit Vwer zwene sollen hen gan Da begeynet vch yn der stund eyn man Der treyt eyn wasser krugk
 Vornemet recht dissen gefugk Wo hie yn gehet da folget er Des huses wirt saget eme Das hie rait gebe hie zu Wo vwer

meynster die ostern thu So thut hie eß vch kunt Vnd wyszet vch zu der selben stund Eyn kenaden michel vnd wyt Do machet vns zu disser zyt Vnser ostern essen nach der ee Vnd gehet vnd sehet wie es vch erge Et tunc duo scet matheus 7 bartho